

宋

會

要

全唐文

宋會要

罷免上

太祖建隆四年九月十八日宣徽南院使兼樞密副使
左羽林軍大將軍李處耘責授檢校司空淄州刺史先是
李重進判命歸德節度石守信為揚州行營都總管
處耘為都監至是制書以處耘動恣冒謀每事率易既
乖倚注合正刑章故有是命 乾德二年正月十六日
司徒兼侍中昭文館大學士范質罷為太子太傅司空
兼門下侍郎同中書門下平章事監修國史王溥罷為
太子太保樞密使右僕射兼中書侍郎集賢殿大學士
魏仁浦罷仍舊為右僕射制書以質等位隆三事所宜

免輔於中人日有萬機安可久煩於舊德俾令就第用
解持衡故有是命 五年正月二十日樞密副使左衛
大將軍王仁贍責授右衛大將軍先是命忠武節度王
全斌武信節度崔彥進及仁贍征孟昶至是制書以仁
贍全斌委任頗恣貪殘殺降兵驚駭生衆故有是命
開寶五年九月十七日樞密使李崇矩罷為欽國軍
節度使趙普為相崇矩以女妻普子承宗厚相交結太
祖聞之頗怒有鄭伸者客崇矩門下僅十年崇矩知其
險詖無行待之漸衰伸怨恨因上書告崇矩陰事崇矩
不能自明帝釋不問故有是命 六年七月二十三日
左僕射兼門下侍郎同中書門下平章事昭文館大學

士趙普罷為河陽三節度使檢校太傅同平章事先是
普秉政既久屢為趙玘雷德驤等告訐又賞以隙地私
易尚食疏園及廣營邸店以規利太祖知其事每優容
之普復與樞密使李崇矩結為婚姻未幾崇矩內人鄭
仲訟其陰事出為華州節度普既無援復為子德驤有
鄰告中書堂吏不法事詞連及普故有是命 太宗太
平興國六年十一月十二日樞密使楚昭輔罷為左驍
衛上將軍昭輔以足疾家居僅周歲不求解職會郊祀
畢故有是命 七年四月七日中書侍郎兼兵部尚書
同中書門下平章事盧多遜責授兵部尚書先是多遜
與秦王結構姦謀罷為兵部尚書奉朝請總以屬吏詔

文武常參官集議於朝堂太子太師王溥等議請削奪在身官爵準法誅斬詔削奪官爵配隸崖州充長流百姓二十日左僕射魚門下侍郎同中書門下平章事監修國史沈倫責授工部尚書制書以盧多遜已歲逆節倫與之同列曾不先覺檢其醜跡上黜朝經復謝病引年貪榮竊位故有是命八年正月十四日樞密使檢校太師兼侍中臨淮郡公曹彬罷為天平軍節度使彬為弭德超所譖制書以彬兩朝備罄於腹心終日不離於幃幄折衝千里雖藉樽俎之籌節制百城宜分旄鉞之任故有是命四月二十三日宣徽北院使樞密副使弭德超削奪在身官爵配瓊州禁錮制書以德超詔

馬同列指斥朕躬為臣若斯於法何追先是德超嘗給
事晉邸後遷至酒坊使因乘間以急變聞云樞密使曹
彬秉政歲久能得士衆帝頗疑之出彬為天平軍節度
驟進用德超初諧彬事成期得樞密使及是大失望居
常快快詬王顯曰我等為國家言大事有安社稷功但
得錢許大名位汝等何人反在我上又大罵曰汝輩當
斷頭我度帝無我守為汝輩所眩惑等告之帝怒命御
史知雜滕中正就第鞠之德超具伏故抵於罪 七月
十八日中書舍人參知政事郭贄責授祕書少監制書
以贄啓沃茂間尸素斯極量酒過量自貽沈湎之譏發
言無稽寔彰容易之愆故有是命 雍熙二年十二月

十七日門下侍郎兼刑部尚書中書門下平章事宋
琪罷為刑部尚書制書以琪識非遠大望闕具瞻曾無
端惧之稱但有忤諂之謂故有是命 是日宣徽南院
使兼樞密副使柴禹錫罷為左驍衛大將軍制書以禹
錫不能盡瘁於事輕輸乃誠苟且因循幸予委遇先是
帝謂輔臣曰禹錫為性險巧昨朕欲廣宮城禹錫有別
第在表幟中上言願易闔閭中官卽店朕聞之恍然不
樂自此知朕薄其為人恐罷此職乃潛與宋琪相結謂
琪來請派人盧多遜第朕即賜之多遜犯罪籍沒琪為
宰相復請居之不避惡名與鍾離意何相遠耶卿等觀
之豈大臣之體乎故有是命 四年四月七日樞密副

使右諫議大夫張宏罷御史中丞帝以河北用兵之際
宏但守位而已御史中丞趙昌言多上北邊利害故兩
換之 端拱元年二月十日中書侍郎兼工部尚書同
中書門下平章事李昉罷為右僕射先是布衣程禹周
擊登聞鼓訟昉任宰相屬北戎入寇不憂邊但賦詩飲
酒藉田禮方畢帝召翰林學士賈黃中草制罷相令詔
書切責黃中言僕射百僚師長舊宰相之任今日工部
尚書拜乃為殊遽非黜責之義務以文昌務簡均勞為
辭斯為得體帝然之故制書以昉踐臺閣之通班素高
問望處鈞衡之大任久展謨猷用資鎮俗之清規式表
尊賢之茂典云 三月十五日樞密副使工部尚書趙昌言

資授崇信軍節度行軍司馬制書以昌言訐諛之効未
見於畫忠險諛之跡頗間於立黨交結非類玷辱清朝
先是昌言與陳象輿梁顥葉儼胡旦皆同年生厚善日
夕會於私第故京師有陳三更董半夜之言又有傭書
人翟顥者姦險誕妄素與旦親狎旦乃作大言狂誕之
辭使顥上之仍為顥改名馬周以為唐馬周復出也其
言多排毀時政自薦可為天子大臣及力舉數十人皆
公輔之器令昌內為之助會京尹陳王捕馬周擊獄窮
治以狀聞帝怒杖馬周脊流血島昌言等並加貶黜
淳化二年三月二十六日戶部侍郎參知政事辛仲甫
罷為工部尚書時呂蒙正以長厚居相位王沔任事仲

甫從容其間而已至是以足疾罷 九月一日戶部侍郎參知政事王沔給事中參知政事陳恕各罷守本官沔與恕不叶為寇準所詆而罷帝嘗語恕以戶部使樊知古所部不治恕密以語之知古訴於帝帝怒恕泄禁中之語故罷之 三日中書侍郎兼戶部尚書同中書門下平章事監修國史呂蒙正罷為吏部尚書制書以蒙正任當補職而曷嘗有間智類挈瓶而一無所守但務引援於親昵不思澄汰於品流竊祿偷安匿瑕蔽垢政之有缺悔不可追故有是命 七日樞密院王穎罷為崇信軍節度使制書以顯參幃幄之籌曾無補職之効居負乘之地實致寇之虞殖固黨私紊撓綱紀蔽賢

傷善固寵偷安實貪性之使然於盡瘁而何有故有是
命 四年六月九日吏部尚書同中書門下平章事張
齊賢罷為尚書左丞制書以齊賢好談功名力不逮心
名浮於實況多居於假解於樞衡故有是命 十五日
宣徽院北院使樞密副使知院事張遜責授右衛將軍
樞密副使左諫議大夫冠準罷守本守制書以遜結置
朋黨交構是非具錦之詞幸彰於萋菲挈瓶之智已極
於滿盈以準雖頗彰於勤瘁而自振於悔尤交構是非
頗漬公上先是遜與準不叶奏事多矛盾帝欲罷之會
遜等歸私第溫仲舒與準並轡有狂民舞陷於馬前街
使王賓與遜厚善因奏言民迎準馬首舞陷既而準自

辨云竇與仲舒同行遜執賓奏片準詞氣悖屬因互發其私帝怒故貶遜而罷準 十月十五日左僕射兼侍郎同中書門下平章事監修國史李昉罷為右僕射制書以昉自處機衡曾無規畫擁化源而斯久幸物望以何深先是召翰林學士張洎草制授昉左僕射罷相洎上言曰昉因循保位近霖霖百餘日陛下焦勞惕厲憂形於色昉居輔相之任職在燮理陰陽乖戾如此而晏然自若無歸咎引退之意矧中臺僕射之重百僚師長右減於在位望輕重不侔因而授之何以勸人臣盡節且加黜削以儆具臣帝以昉耆舊不欲譴黜但令以左僕射奉朝請為是日給事中叅知政事賈黃中李沆樞

憲副使左諫議大夫溫仲舒並罷守本官奉朝請以政
事稽留不決故有是命 至道元年正月十六日給事
中參知政事趙昌言罷為戶部侍郎知鳳翔府先是以
劍南殘寇未殄詔昌言按督之後旬餘召宰臣於北苑
門外昨令昌言入蜀朕思之有所未便且蜀賊小寇而
昌言大臣未易令前進且令駐鳳翔止遣內侍衛紹欽
賁朕手書指揮軍事亦可濟矣詔書追及昌言已至鳳
州留侯館殆百餘日及賊當殄滅王師振旅故有是命
二十一日右諫議大夫同知樞密院事劉昌言罷為
給事中先是度支都監趙贊以姦詐狡惡伏法昌任河
南通判日常保舉贊相厚善贊之逐也昌言心不自安

帝因言及近侍中亦有與之交通者昌言蹶然出位頓稱死罪帝曰卿勿憂也然頗患之因罷 四月一日吏部尚書同中書門下平章事呂蒙正罷為右僕射給事中參知政事蘇易簡罷為禮部侍郎制書以蒙正彌綸大體固未叶於康哉而勵翼小心亦動觀於勤止頗贊隆平之望且均勞逸之功既而帝召蒙正頓首謝易簡百僚朕以中書政事煩多俾均勞逸蒙正頓首謝易簡與昌言不叶數忿爭於帝前先是昌言出使建南中路罷知鳳翔府至是易簡亦有是命 二年七月十六日給事中參知政事寇準罷守本官先是郊祀行慶中外交吏皆進秩準率意輕重其素所喜者多得壹省清秩

所惡及不知者即序進為廣州左通判馮拯任右正言
右通判彭惟節任太常博士惟節序於拯下及改秩為
員外郎拯得虞部惟節得七田反在拯上惟節自以素
居拯下如舊不易位會奏報準覆視怒其亂班制下詔
書切責之拯憤曰帝曰閱萬機安察見此細事蓋準
弄權耳因上疏拯言并及嶺南管内官吏除拜不平凡
數事條列以聞嶺南東路轉運使康戡又上書言除拜
不平事因言呂端張洎李昌齡皆準引端心德之洎曲
奉準昌齡畏懷皆不敢與準抗故得以任胃臆亂經制
皆所為也帝大怒準適祀太廟攝行事召呂端等詰責
之端曰臣等皆陛下逐用待罪相府至於除拜專恣實

準所為也準剛強自任臣等添備大臣不與忿爭慮傷國體因再拜請罪會準入對帝說及馮拯事準抗言與端等同議除拜帝曰若庭辨是非又深失執政之體準猶力爭不已帝先已惡準回歎曰雀鼠尚知人意况人乎翌日又抱中書簿領諭曲直於前帝不悅至是遂罷三年正月十一日給事中參知政事張洎罷為刑部侍郎先是洎參知事政蓋寇準推挽之洎奉事準甚謹政事無所參預會議靈州事不稱旨恐懼欲自固惟罷帝已嫉準專恣恩寵衰替洎恐一旦同罷免因奏事大言準退後多誹謗準但色變不敢自辨帝由是大怒準旬日罷未幾洎被病家居滿百日力疾請對方拜而蹈

表請解職故有是命 五月十一日戶部侍郎參知政
事李昌齡責授忠武軍節度行軍司馬制書以昌齡擢
列台司預聞國政恣行請託深亂朝經故有是命 八
月七日宣徽南院使知樞密院事趙鎔罷為壽州觀察
使鎔有心疾故有是命 真宗咸平元年正月三日右
僕射兼門下侍郎同中書門下平章事監修國史呂端
罷為太子太保制書以端體力未康保順是切不欲重
煩於機務庶諧養音於精神故有是命 三年十月二
十二日門下侍郎兼兵部尚書同中書門下平章事張
齊賢罷為兵部尚書歸班制書以齊賢酣嘗盈觴故頗
冠弁清茲朝著悖我盛儀先是冬至朝會御史臺彈奏

齊賢酒醉失儀故有是命 二十五日兵部侍郎同中書門下平章事集賢殿大學士向敏中罷為戶部侍郎歸班制書以敏中翼贊之功未著潔廉之操茂聞喻利居多敗名無耻始營故相之地終興娶婦之詞對朕食言為臣目昧先是故相薛居正子惟吉妻柴氏無子惟吉有子安上安民其富柴素與二子不叶既寡盡畜其父金帛計直三萬緡并其書籍綸告以謀改適張齊賢安上詣京府訴其事柴復訟宰相向敏中賤質居正故第又嘗求娶已不許以是教安上誣告母且陰庇之帝以問敏中敏中言實以錢五百萬貫質安上居第近妻喪不復議婚媾未嘗求婚於柴帝亦不復問柴又伐鼓

訟並急遂并其狀下憲司鞠之安上兄弟素不肖頃嘗
競財貨遂有詔不許其質易祖父產而敏中乃違命
質其第令安上月出息錢二千御史府素要契驗敏中
所書字非一體敏中又議娶故駙馬都尉王承衍女家
約已定未納未帝詢於王氏得實實曰面責敏中以不
直罷之 景德三年二月二十五日中書侍郎兼工部
尚書同中書門下平章事集賢殿大學士冠準罷為刑
部尚書制書以準先帝舊臣虛懷厚禮眷言機務不欲
重煩既而帝謂輔臣王旦曰冠準以國家爵賞過求虛
譽無大臣體罷其重柄亦庶保其終吉也 大中祥符
七年六月二十一日樞密使吏部尚書檢校太尉同中

書門下平章事監修國史王欽若樞密使戶部尚書檢校太傅兼群牧制置使陳堯叟並罷本官宣徽北院使兼樞密副使馬知節罷為鎮防樂使制書以欽若舉封岱山之上儀書資先置按禮神之嚴澤英匪徒行武遂養恬用符均逸堯叟汾雅親祭經畫惟寅宜就安閑以厲久次先是內殿崇班王懷信以平蠻之勞樞密院議行賞等級頗異同稽緩詔促之欽若等議於帝前而知節恚忿詆訐政朝既不暇奏果超授懷信官餘恚加等進秩帝怒故并罷之 八年四月十三日樞密使兵部尚書同中書門下平章事寇準罷為武勝軍節度使制書以準再當機要俄留歲時寵待老成永言勤止先是

準數與三司使林特忿爭帝謂宰相王旦曰準年高歷
事朕以為能改前非今觀所為更非曠昔且曰既欲人
懷惠又欲人畏威此正大臣畏避之事準傲然不顧以
為已任非至仁之主安能全之也 天禧二年六月九
日左僕射兼中書侍郎同中書門下平章事充景靈宮
使王欽若罷為太子太保判杭州制書以欽若再司衡
軸能率典彛言念勤庸俾階優逸先是內府周懷政以
帝崇奉禋祀遂與沃人朱能輩偽造靈命冀圖恩寵且
進藥餌欽若屢言其妄復密陳規諫懷政懼得罪因其
誣構言捕獲金商州道士譙文易蓄禁書有神術欽若
素識之帝不復辨詰故有是命 四年六月十六日右

僕射兼中書侍郎同中書門下平章事充景靈宮使集
賢殿大學士冠準罷為太子太傅萊國公歸制書以準
再謀撥政專委國權與議交喧朝章失序加以罔思兢
慎不肅門庭交結匪人虧傷大體故有是命 十月二
十二日吏部尚書同中書門下平章事充玉清昭應宮
使昭文館大學士丁謂戶部尚書歸班吏部侍郎兼太
子少傅同中書門下平章事充景靈宮使集賢殿大學
士李昉罷為戶部侍郎歸班制書以為遽致同列而與
忿詞寔駭予聞有傷國體以迪當旅對之揚廷忽抗言
而興忿駭予聞聽決有異章先是昉因奏對言謂姦邪
弄權中外無不畏懼臣願與同下憲司置對且言昨林

持男在任非理決罰人致死其家詣闕訴寃寢而不理
蓋為所黨庇人不敢言又曰寇準無罪朱能事不當顯
戮東宮官不當增置又錢惟演亦謂之姻家臣願與惟
演俱罷政柄望陛下別擇賢才為輔弼又曰曹利用馮
拯亦有朋黨利用進曰以片文隻字遭逢聖世臣不知
迪奮空拳捐軀命入不測之虜迪不如臣帝顧丁謂曰
中書有不當事耶謂曰願以詢臣同列帝顧任中正中
正等曰中書洪職之外亦無曠闕事項之謂迪等退帝
怒甚命付御史按劾利用拯進曰大臣下獄不惟深駭
物聽況丁謂本無忿競之意而與迪置對亦未合宜帝
曰曲直未分安得不令辨對既而意稍解乃曰朕當即

有處分乃詔謂迪各降秩級謂知河南府迪知鄆州尋
後留之先是迪與寇準同在中書事之甚謹準既得罪
謂等頗輕之迪不能堪至是輔臣例兼官迪以舊人當
遷尚書又故事兩省侍郎無兼左右丞者蓋謂深欲抑
迪擬兼左丞故迪益憤又謂素善林特既議改特為唐
事明日晨朝侍漏又欲以特為樞密副使仍領賓客迪
曰特去歲遷右丞今年改尚書入東宮皆非公選物議
未息况已奏除詹事不可也因詔謂皆不答同列極意
和解皆不聽遂力爭於帝前期必與謂俱罷翌日帝御
承明殿召丁謂詢其紛競之故謂從容陳叙且言李迪
本自喧嘩百不當與之俱罷賜對久之於是遣入內都

知張景宗副都知鄧守恩傳詔送謂赴中書令依舊視
事仍命與馮拯曹利用俱進秩領官官以廸知鄆州故
朝辭即時赴任 乾興元年六月二十二日

仁宗即位
未及元

司徒兼侍中充玉清宮應宮使昭文館大學士丁謂降
太子少保分司西京制書以謂因念嘉猷密交姦孽山
藺檀易曾靡敷陳簡札潛通備彰欸昵私營器用竊役
工徒證佐甚明僻遠斯顯先是帝召宰臣馮拯曹利用
任中正錢惟演王曾張士遜至承明殿諭以丁謂身為
宰輔與雷允恭交結情寔難知因示文字一紙乃謂記
允恭今後苑巧工造酒器并出造金盃盤頗極妙麗復
示允恭欸狀嘗告謂求內當皇城司及管三司衙將謂

私許之并知移徙山陵皇堂曲庇不言等事又語拯等
自來謂每附允恭入奏公事皆言已與中樞密院參議
允當所以皆可其奏近因欺罔彰敗方知動多虛矯且
營奉陵寢臣子所宜盡心眩惑多端幾悞大事所為如
此注副國家倚注之心拯等奏曰自先帝登還朝廷政
事只是謂潛與允恭商量一一自稱於內庫厚達得聖
旨臣等莫辨真虛須至依稟雖或事有疑慮情涉阿私
莫敢指陳無由申訴今者伏賴皇太后皇帝察其姦詐
俾臣等獲由忠款盡達聖聰邪正洞分上下無壅斯乃
宗社之重天下之幸也又語拯等曰丁謂罪狀既露須
至降黜卿等同議如何只今擬定於是就殿隅共議請

除少保分司仍令御史臺遣人監伴往彼當日當發中書召當直舍人草詞不降內制仍詔御史臺榜示朝堂傳告諸路七月貶授將仕郎守崖州司戶參軍員外置同正員仍布告中外 二十九日兵部尚書參知政事任中正降太子客賓知鄆州制書以中正罔念匪躬之格訓輒興傳下之詭詞志在朋姦道殊中立先是內出御劄云中正與丁謂交分最深務相朋助不顧治道昨雷允恭事敗中正累對人言合議寬恕交狀彰顯宜微懲責仍令御史臺催促進發 十一月一日樞密使兵部尚書充祥源觀察使錢惟演罷為檢校太傅保大軍節度使制書以惟演頃露由表懇祈遜職宅予憂之尚

然從乃欲之未皇難幃幄宣謀靡愆於慎重而葭莩聯
戚終避於嫌疑故有是命 仁宗天聖五年正月十九
日樞密副使刑部侍郎晏殊罷守本官知宣州先是從
幸玉清昭應宮怒公人祇應不到揮芻折齒臺憲官連
上封章以殊為性褊率失大臣體帝以殊東宮舊僚先
朝任用止令罷職出典外藩故有是命 七年正月十
三日樞密使保平章節度使守司空兼侍中充景靈宮
使兼群牧制置使曹利用罷判鄧州餘官如故制書以
利用幃幄之謀每存信厚將相之任咸副仰成歲月茲
多封章荐至願乃奉身之請式符知止之言故有是命
二十五日再降授銀青光祿大夫檢校司空左千牛衛

上將軍知隨州仍令內侍御史臺吏伴送至州 二月
十四日降充崇信軍節度使副房州安置先是利用姪
納以蔭為左侍禁領趙州兵馬司州民告納謀不軌遣
使鞠治悉抵法又利用領景靈宮使令樞密史貸宮中
官錢詐為見數故再及於貶 二月七日禮部尚書同
中書門下平章事集賢殿大學士張士遜罷為刑部尚
書知江寧府初曹利用將得罪士遜嘗為解其事太后
怒帝以士遜東宮舊臣乃進秩而罷之 六月二十七
日門下侍郎兼吏部尚書同中書門下平章事亢玉清
昭應宮使昭文館大學士王曾罷為吏部尚書知兗州
制書以曾分職靈宮潛心妙道難欽崇匪懈克守於虔

誠而警備或虧適罹於炎火傾夙霄而增懼念典法之
有常故有是命 明道二年十月二十六日門下侍郎
兼兵部尚書同中書門下平章事昭文館大學士張士
遜罷為山南東道節度使同中書門下平章事判許州
樞密使山南東道節度使檢校太尉楊崇勳罷為河陽
三城節度使同中書門下平章事判陳州制書以士遜
久司魁柄克著勤庸式均勞逸之恩特優進退之禮崇
勳納忠宣力久竭於誠明作翰均勞式頒於命數先是
百官詣洪福院上莊懿皇太后謚冊退而奉慰士遜乃
遇崇勳園飲日中不至群臣離立以俟樞御史中丞范
諷彈奏之遂以士遜為左僕射崇勳為使相俱罷及告

謝士遜乃位崇勲下帝問其故士遜對曰臣官僕射而崇勲使相故位當在下於是更命士遜為使相時士遜已罷而翰林學士承旨盛度草制猶用士遜舊銜有司奉行制書不復追改論者非之 景祐二年二月十三日工部尚書同中書門下平章事集賢殿大學士李建罷為刑部尚書知相州制書以迪相聯之內險詐成恣靡光事而上言頗為臣而有隱何以更居充職以肅朝章初帝御延和殿召宰臣呂夷簡參知正事宋綬決范諷獄以迪素黨諷獨不得名既惶恐還第翌日遂降是命 四年四月二十二日右僕射兼門下侍郎同中書門下平章事昭文館大學士呂夷簡罷為鎮海軍節度

使同中書門下平章事判許州右僕射兼門下侍郎同
中書門下平章事集賢殿大學士王曾罷為右僕射充
資政殿大學士判鄆州吏部侍郎參知政事宋綬罷為
左丞充資政學士禮部侍郎參知政事蔡齊罷為戶部
侍郎知潁州時曾與呂夷簡議論既不合而政事多依
違不決因各上章求退綬多同夷簡而齊間有所異因
是皆罷免曾止遷僕射知青州既入謝求改鄆州乃丁
學士院貼麻加資政殿大學士判鄆州初除僕射不云
判州而云知州當制學士之失 五年三月一日門下
侍郎同中書門下平章事昭文館大學士王隨罷為檢
校太傅同中書門下平章事彰信軍節度使戶部侍郎

同中書門下平章事集賢殿大學士陳堯佐罷為檢校太傅同中書門下平章事淮康軍節度使判鄭州戶部侍郎參知政事韓億罷守本官歸班禮部侍郎參知政事石中立罷為戶部侍郎資政殿學士制書以隨縣屬精而宣力久結疾以愆和疊貢奏函懇辭魁柄堯佐連因災異繼有奏陳援漢家賜策之文採義易勞謙之旨時災異屢發諫官韓琦言隨久被病而堯佐復高年政事不修韓億子綜為群牧判官不當請以其兄綱代之又石中立諷諧無大臣體故并罷之 寶元二年五月二十三日宣徽北院使定國軍節度使知樞密院事王德用罷為武寧軍節度使赴本鎮制書以德用樞機之

務夙夕靡渝俾偃息以攸寧諒出處之奚間時權御史
中丞孔道輔言德貌類藝祖宅枕乾岡不可以處樞近
故罷之十一月十日寧武軍節度使知樞密院事盛
度罷為尚書右丞知楊州尚書左丞參知政事程琳降
授光祿卿知潁州軍事度初權知開封府鄭戢發使院
行首馮士元姦賊及私藏禁書事而士元嘗為度侵借
民居又琳欲創第而故樞密副使張遜第在武成坊其
曾孫偕纔七歲宗室女所生也貧不自給而乳媼擅出
券鬻之琳器使人諭以偕尚幼須得御寶許鬻人乃敢
售其乳媼以宗室女故入宮見莊惠太后既得御寶而
琳乃市取之今弟璵同士元市材木士元既杖脊配沙

門島而府判李宗簡輒私發公案欲營求之府推官王達即白於截遂奏移鞠御史臺詞及度琳故有是命

康定元年三月二十四日工部侍郎知樞密院事王駿罷守本官知河南府右諫議大夫同知樞密院事陳執中罷守本官知青州給事中同知樞密院事張觀罷守本官知相州制書以駿歷典事任積楊誠節方谷上畧以壯遠猷而羗醜弗懷疆事遄警雖咨諏之備至預續用而未彰以執中特越常均超居大任屬叛羗之倣擾嘗更歲以預謀廣心失虞前慮或闕久當重任曷厭群言以觀孰其業履之純副乃臣鄰之望遘戎渠之背惠屬師壘以宣威慮事授方頗失于素念封陞之守資備

禦之長難徇苟安以虧成算故皆有是命 二年五月
二十三日右諫議大夫參知政事宋庠罷守本官知楊
州樞密副使右諫議大夫鄭戩罷守本官充資政殿學
士知杭州 時宰相以庠戩洎三使司葉清臣皆同時
及第又與知開封府吳遵路素相善而並據要地以為
朋黨故出之 慶歷二年七月六日樞密副使給事中
任布罷為工部侍郎知河陽初子遜妄疏時政而并及
其父不才臺諫官繼有奏論故罷之 四年九月十二
日刑部尚書同中書門下平章事集賢殿大學士兼樞
密使晏殊罷為工部尚書知潁州制書以殊固念難疾
頗圖晏安廣營產而殖私多役兵而規利致乃公論達

於予聞故有是命 五年正月二十九日吏部侍郎同
中書門下平章事兼樞密使集賢殿大學士杜衍罷為
尚書左丞知兗州制書以衍自居鼎輔靡協巖瞻頗彰
朋比之風難處訐謨之地願群議之莫遏頌朝渥之尚
優故有是命仍放朝辭 三月五日樞密副使右諫議
大夫韓琦罷為資政殿學士知揚州以董士廉上書論
水洛城也 七年三月二十一日工部侍郎同中書門
下平章事昭文館大學士賈昌朝罷為同中書門下平
章事武勝軍節度使判大名府樞密副使右諫議大夫
吳育罷為給事中歸班制書以昌朝夙夜盡瘁勤勞國
事帷幄倚其籌謀天下仰其風采剡剡來上還政為言

特徇乃誠俾均日逸先是育與昌朝數爭事帝前是歲
春大旱帝經筵問高若訥若訥陳洪範肅時雨若今大
臣爭事而不肅故旱遂皆罷之 四月一日工部侍郎
同中書門下平章事陳執中降授給事中參知政事宋
庠降授左諫議大夫工部侍郎參知政事丁度降授中
書舍人 以自春不雨故也十一月執中復舊官十七
日庠度復舊官 八年五月二十四日樞密使河陽三
郡節度使同中書門下平章事夏竦罷樞密使判河陽
初衛士之變領皇城司者皆坐逐獨楊懷敏降官領入
內都知如故臺諫官數言竦素結懷敏而曲庇之時京
師同日無雲而震者五帝方坐便殿急召翰林學士俄

頃學士張方平至帝連言天變若此蓋夏竦姦邪所致
方平請換駁辭帝意遽解曰且以均勞逸命之 皇祐
元年八月二日工部尚書同中書門下平章事昭文館
大學士陳執中罷兵部尚書知陳州制書以執中一德
佑于朝公心推于衆間以江道演溢版民流移疊霑章
言懇祈退避故有是命初執中以尚書左丞罷既而帝
以為恩禮薄下學士院貼麻改命之 三年三月九日
工部尚書同中書門下平章事集賢殿大學士宋庠罷
為刑部尚書充觀文殿大學士知河南府時言者以庠
在相位於國家無所建明故出之 十月二十二日禮
部尚書同中書門下平章事昭文館大學士文彥博罷

為吏部尚書充觀文館大學士知許州制書以彥博左
右罄於一心夙夜經於庶務荐申奏述懇避寵榮先是
侍御史唐介言彥博陰結禁中且荐富弼為相朝廷已
責介春州別駕而彥博自請罷重任故有是命 五年
閏七月五日戶部侍郎同中書門下平章事昭文館大
學士龐籍罷守本官知鄆州制書以籍不能厲以正方
繩於群下交驩親構私過彰聞逮有司之訊詞合杜門
而待罪乃行蔽斲仍失重輕故公議之弗容在人言之
莫遏故有是命初齊州人皇甫淵獲賊於法當得賞錢
淵上書請易一官乃貽道王趙清貺及堂吏而清貺籍
甥也始以為自籍既而淵數詣待漏院自陳籍乃勒淵

歸齊州有小吏告清貺等受賊事籍即捕下開封府而清貺及堂吏皆以賊配南方清貺未至配所死上言者以籍陰諷開封府杖殺清貺以滅口又言事當付樞密院而不當中書自行故罷之然謂籍陰諷開封府失寔也至和元年七月七日禮部侍郎同中書門下平章事集賢殿大學士梁適罷守本官知鄭州制書以適出入五年周旋二府苛慝比作變異重仍加復噴有煩言逮於予聽曾倣聲之莫逮在清議之弗平故有是命嘉祐元年八月十四日樞密使護國軍節度使狄青罷為護國軍節度使同中書門下平章事判陳州時言者以青家犬生角又夜有火光中外以為疑故罷之 三

年六月七日吏部尚書同中書門下平章事昭文館大學士文彥博罷為河陽三城節度使同中書門下平章事判河南府樞密使山南東道節度使同中書門下平章事實昌朝罷為鎮安軍節度使右僕射兼侍中充景靈宮使時御史郭申錫張伯玉數考彥博內不自安連上疏乞罷諫官陳升之恐賈昌朝中書因擴昌宗在樞密院多引用親舊使臣又治大第設兩客位以待內臣數事繼以為言遂并罷之 六年四月二十七日樞密副使右諫議大夫陳升之罷為資政殿學士知定州知諫院唐介等交上章彈奏升之素與勾當御藥院王世寧連姻而圖柄臣又知開封府嘗於豪民家市馬而賤

償其價帶出其奏示升之升之請下有司辨虛寔遂家居不出自求罷去帝遣中使以手詔出之介等復居家待罪頃復出之如是者數四帝頗謂輔臣曰凡除拜二府朕豈容內臣預議耶而介等言不已故兩罷之七年三月八日禮部侍郎參知政事孫忤罷為觀文殿學士兼翰林院侍讀學士同群牧制置使以御史韓縝言其昏昧不任事也 治平四年八月二十四日

神宗即位未改

元禮部侍郎參知政事吳奎罷為戶部侍郎資政殿大學士知青州制書以奎比者論斥臺憲之臣頗失執政之重親被手詔目為內批稽留成命至淹三日非所以恭於奉上而裨民不逮者也爰從免罷以申薄責故有

是命 九月二十八日檢校太傅同簽書樞密院事郭
遠罷為宣徽南院知鄆州初召遠赴闕御史張紀唐淑
問具言遠自進用以來人言至今不已況問王綯親奉
德音中外側耳日俟聖斷若用范仲淹兩府出使例落
僉書且在陝西任使於遠亦未為損又同知諫院滕甫
言國初遠將雖累著功效所官不過刺史防園所授不
過沿邊巡檢故能得其死力此聖王駕馭將帥之術也
乞罷遠僉書之命而遠亦屢乞郡故有是命 十月七
日開府儀同三司守司空韓琦罷為守司徒檢校太師
兼侍中判相州制書以琦在成功而弗處實有大以能
謙荐上奏封懇辭政柄頽倚毗之厚詔諭數頌而精懇

之堅辭誠難奪故有是命

神宗熙寧元年十二月二

十三日右諫議大夫樞密副使邵亢罷為給事中知越

州以言者論亢不才引疾辭位故有是命 三年四月

十九日右諫議大夫參知政事趙抃罷授資政殿學士

知杭州先是王安石用事議論不協臺諫侍從多以言

求去抃上疏言非宗廟社稷之福臣恐天下自此不安

矣章九上求去故有是命 七月四日行尚書刑部侍

郎充樞密院使呂公弼罷為吏部侍郎觀文殿學士知

太原府公弼在樞密六年先是王安石變法公弼數言

宜務安靜又與韓絳議論不協孫嘉問竊公弼論事奏

草以示安石故命罷之 四年三月二十二日吏部侍

郎同中書門下平章事昭文館大學士韓絳罷守本官
知鄧州制書屬者羗渠陸梁戎侯騷動輟自二公之列
往定安邊之圖而聽用匪人違轍初詔計制亡狀綏懷
寡謀擅興征師深入荒域卒伍駭擾橫罹轉戰之傷丁
黃馳驅重被齎餉之役邊書旁午朝聽震驚故有是命
六年四月二十六日樞密使守司空兼侍中文彥博
罷守司徒判河陽制書以彥博東國大鈞絕席廟堂之
上經時常武運籌樽俎之間惟吾老臣多所更踐懇辭
機務往殿近藩故有是命 八年正月七日右諫議大
夫參知政事馮京罷守本官知亳州制書以京參決機
務為日茲久予違汝弼何憚不為國有刑人大夫不養

義當共疾過絕庶頑而乃啓導獎進陰為王宰故有是命 十月三日給事中參知政事呂惠卿罷守本官知陳州制書以惠卿向以經術文辭入侍左右不次拔擢俾預機政而乃不能以公滅私為國司直比阿所與屈撓典刑交者交攻深駭朕聽故有是命 九年十月二十三日尚書左僕射同中書門下平章事昭文館大學士兼門下侍郎王安石罷為檢校太傅依前尚書左僕射同中書門下平章事判江寧府制書以安石引疾自陳丐閑甚確宜仍揆路之扶載加充鉞之榮故有是命 十年二月十八日尚書禮部侍郎樞密副使王韶罷為觀文殿學士戶部侍郎知洪州韶在樞府四年自陳母

老乞外故有是命 元豐二年五月十七日尚書工部
侍郎叅知政事元絳罷守本官知亳州先是太學生虞
蕃上書訟博士受財不法逮繫諸生詞連絳子耆寧故
有是命 三年九月十六日尚書工部侍郎同知樞密
院薛向罷守本官知潁州先是知諫院舒亶言開封府
界提舉官陳向近於樞密院議養馬事樞臣薛向等論
議喧悖中外傳播囂然詔薛向論事反覆無大臣體故
有是命既而御史滿中行言向默守潁州責命已行曾
不知懼偃然自若乞重加貶竄又詔改知隨州 四年
正月二十三日樞密使正議大夫兼群牧制置使馮京
罷為光祿大夫觀文殿大學士知河陽京自請守藩故

有是命 三月十三日太中大夫參知政事章惇罷守
本官知蔡州以大理寺劾惇父俞及弟愷占民田故有
是責 五年五月十日正議大夫樞密副使權發遣宣
徽院呂公著罷為光祿大夫資正殿學士知定州先是
乞補外帝遣使封還其奏至是再有請故有是命 六
年七月十三日知樞密院太中大夫孫固罷為通議大
夫觀文殿學士知河陽以引疾求去位故有是命 八
月十八日太中大夫守尚書左丞蒲宗孟罷守本官知
汝州以繕治西府違法御史楊畏言其徇私壞法無復
綱紀大臣如此何以輔人主正百百詔御史中丞與楊
畏根究以聞故有是責 十月十一日詔宰臣執政官

因罪降黜守本官以下應緣前兩府恩例止依本官候
有選除職名即依舊例 七年七月十七日中大夫尚
書左丞王安禮罷為端明殿學士知江寧府初張汝賢
彈奏王珪與安禮仍乞于姪差遣事上以珪子仲端已
選所乞差遣其安禮子枋姪游差遣有條許用例奏鈔
汝賢格不下又疏安禮素行貪汙上既罪汝賢安禮亦
求去故有是命 哲宗元祐元年閏二月二日尚書左
僕射正議大夫兼門下侍郎蔡確罷為觀文殿學士知
陳州時司馬光呂公著蘇軾蘇轍呂大防劉摯王巖叟
相繼進用確遂連表乞解機務故有是命 二十三日
正議大夫知樞密院事章惇罷守本官知汝州制書以

比議後書本俾恭訂當其敷納初不諫明迨於宣行始
興誹沮務從含戚益至喧呶鞅鞅非少主之臣矻矻非
大臣之節稽參故實稍屈典刑其解政機往臨郡寄初
左司諫王巖叟言惇亮猷日熾惡德不悛近簾前爭沒
法詞氣不遜又稱天下之人共以免役為害陛下一日
復差法中外欣悅而惇獨為異論妄生沮難動搖人情
右正言朱光庭亦言惇謀乞行黜誅故有是命 四月
二日正議大夫守尚書右僕射兼中書門下侍郎韓縝
罷為觀文殿學士知穎昌府制書以縝主誠屢抗於封
章自訟恐妨於賢路異乎矜功要名而去者尤得難進
易退之體焉是用遽秩密階陞華禁殿陪散邑賦增衍

戶封而況鄭壁近邦守門故里為國藩輔曾倚燕間之
餘乃心王家勿志啓沃之志故有是命 九月二十四
日正議大夫中書侍郎張璪罷為資政殿學士光祿大
夫知鄭州璪執政凡六年至是乃罷從其請也 二年
四月二十七日通議大夫守尚書左丞李清臣罷為資
政殿學士知河陽清臣累表請補外故有是命 七月
二十二日政議大夫守門下侍郎韓維罷為資政殿大
學士知鄆州以御史論其多除用親屬也 四年三月
十八日中大夫守尚書右丞胡宗愈罷為資政殿學士
知陳州以言者論宗愈自為御史中丞論事建言多出
私意與蘇軾孔文仲各以親書相為比周力排不附已

者操心頗僻豈可以為執政宗愈亦力求罷免故有是命六月五日太中大夫守尚書右僕射兼中書侍郎范純仁罷為觀文殿學士知穎昌府制書以方倚成而熙績遽引疾而退身言雖重遠禮實增厚加殿中之近職淮案內之大洲 同日中大夫尚書左丞王存罷為端明殿學士知蔡州存執政凡二年至是蔡確以詩得罪存與宰相范純仁留身兼前合力固爭以為不可貶確又謂不宜置之死地既而確再貶新州存與純仁皆罷去 五年十二月一日太中大夫守尚書右丞許將罷為資政殿學士太中大夫知定州先是將累表陳乞在外上批可特除資政殿學士轉官知定州所命詞作

自陳芳逸云 六年十一月一日太中大夫守尚書左僕射兼中書侍郎劉摯罷為觀文殿學士知鄆州制書以摯契侯無吐茹之謙資之補充傳說有朝夕之誨倚以濟川亟辭揆叙之繁深服謙光之益抗章不已陳義甚高易退之風勉從厥志故有是命 七年五月十四日樞密直學士簽書樞密院事王巖叟罷為端明殿學士知鄆州以御史楊畏監察御史黃慶基言巖叟天資至險強狠自用廢法徇私竊弄威福而巖叟遂稱疾重再上疏有是命 八年三月七日光祿大夫尚書右僕射兼中書侍郎蘇頌罷觀文殿大學士集禧觀使制書以頌權從政路進執事衡曾朱期年屢求歸老初侍御

史賈易坐言事出既叙復為京西路轉運副使經郊祀
恩赦乃與知蘇州范諤對移訟言易論不避權貴號為
敢言更赦除州非是論於簾前未決而御史楊畏來之
邵勅頌稽留制書頌即抗章待罪堅以老病為辭故有
是命 十四日太中大夫中書侍郎范百禄罷為資政
殿學士知河中府先是右僕射蘇頌以稽留詔書罷政
言者論百禄寔位中書豈有同罪異罰之理且百禄援
引親黨與蘇軾蘇轍結為朋比徇私害政故有是命
紹聖元年三月四日右光祿大夫守尚書左僕射兼門
下侍郎呂大防罷為觀文殿大學士知潁昌府制書以
大防夙夜百為憂勞一致政元而後與政歷九年之間

有國以來首相踵三人之久懇祈避寵難抑能遵故有是命 二十六日太中大夫守門下侍郎蘇轍罷守本官知汝州先是轍以劄子論事上曰人臣言事何所害但卿昨日以劄子奏謂機事不可宣於外請祕而不出今日乃對衆陳之且引漢武帝事以上比先帝引諭甚失當詔蘇轍除端明殿學士知汝州詔詞曰文學風節天下所聞擢任大臣本出朕意事有可否故宜指陳而言或道中引義非是上批蘇轍引用漢武故事比擬先帝事體失當所進入詞語不著事實朕進退大臣非率易也蓋義不得已可止散官知汝州仍別候詞進入始則密奏以指陳終於宣言而眩聽至引漢武上方先朝

欲以窮奢黷武之姿加之主德東哲之上言而及此其
心謂何此別撰詞也 五月十一日樞密直學士簽書
樞密事劉奉世罷為端明殿學士真定府路安撫使兼
知成德軍奉世再乞罷政故有是命 二年十月二日
太中大夫守尚書左丞鄭雍罷為資政殿學士知陳州
雍累請罷政故也明年蹇序辰言雍在元祐間與棄地
之謀落資政殿學士 三年正月九日太中大夫知樞
密院事韓忠彥罷守觀文殿學士知直定府忠彥執政
凡七年至是自請解政故有是命 四年正月十二日
正議大夫守中書侍郎李清臣罷守資政殿大學士知
河南府清臣再執政凡三年與宰相章惇數爭義不合

清臣力請罷政故有是命 元符元年四月十四日中
大夫同知諫院事林希罷守本官知亳州以希私積怨
憤志在中傷故有是命 二年閏九月十二日通義大
夫守尚書右丞黃履罷守本官知亳州以履朋侶懷姦
動搖國政命令已出退有後言故有是命 三年五月

徽宗即位
未改元

右正議大夫尚書左丞蔡攸罷授資政殿學

士知江寧府以言者論抃傳會經義變亂名寔以繼述
神考為名以纂紹王安石為主欺罔天下罪不容誅故
有是命未幾復落職提舉杭州洞霄宮又以少府監分
司南京 九月八日特進尚書左僕射魚門下侍郎董
惲罷守本官依前特進知越州前是侍御史陳次升言

惲自登揆路專任阿私殘人害物古所未有奉使山陵
措致乖謬至鄭州力士飢餓不能承重靈駕抵暮方得
安泊至鞏縣遇雨則先之幕次更不隨從奉使如此罪
安可赦左正言陳璣言惲獨幹政柄首尾八年迷國悞
朝罪不可掩又奉使無狀率職不虔致哲宗皇帝大昇
輦陷於泥淖之中露宿野次伏見唐李珣為文宗山陵
使會秋大雨梓宮陷海不前罷為太常卿雖然因他事
貶昭州刺史而罷相實坐奉使之罪今惲之罪正與珣
同章累上不已上初以惲簾前與議姑務含容嘗謂言
者朕之初政不欲以已事責人故自夏初以來章疏皆
寢不下至是以言者論惲奉使失職事干泰陵始有是

命徽宗建中靖國元年六月二十八日中大夫尚書
右丞范純禮罷守本官知潁昌府坐言語謬悞為言者
所譏上章待罪故有是命 七月二十七日左正議大
夫知樞密院事安燾罷為觀文殿學士知河南府燾執
政八月而罷 崇寧元年五月六日左光祿大夫尚書
左僕射兼門下侍郎韓忠彥罷為觀文殿大學士知大
明府既而忠彥特落職差遣如故以言者前後論忠彥
懷怨引黨欲復為元祐之弊盡變神考法度故也 二
十五日中大夫尚書左丞陸佃罷守本官知亳州制書
以佃元符之末遷叙遇優處之安然殊不引避故有是
命 閏六月九日銀青光祿大夫尚書右僕射兼中書

侍郎曾布罷為觀文殿大學士知潤州制書以布遽露
誠悃祈解政機雖眷倚之彌加覽封章之屢至眷其有
守寔亦重違故有是命 七月二十六日通議大夫同
知樞密院事章燾罷為資政殿學士充中太一宮使制
書以燾方資經制之良遽奏節宣之適章屢却而復上
志愈堅而不回故有是命 十月十二日右正議大夫
知樞密院事蔣之奇罷為觀文殿學士知杭州以言者
論之奇嘗議棄涇州地故有是命 二年八月二日通
議大夫尚書左丞張商英罷守本官知亳州制書以商
英秉國政機議論反覆加之自取榮進貪冒希求元祐
之初詆訾先烈臺憲交章豈容在列故有是命 三年

八月五日特進門下侍郎許將罷為資政殿大學士知河南府以言者論其反覆取容也 四年正月金紫光祿大夫蔡卞罷為資政殿學士知河南府制書朕體熙大臣始終顧遇矧惟樞庭之長夙推舊德之良祈縱政機用蕃寵教故有是命 五年十二月日日中大夫中書侍郎劉達罷守本官知亳州以言者論達操行保浮性資邪險愚視一相凌轢同列故也 大觀元年正月右光祿大夫門下侍郎吳居厚罷為資政殿學士充太一宮使制書以居厚參贊政機屢更歲籥茲舉升年之美數形避位之嫌封奏繼求惓誠莫奪故有是命 四月中大夫中書侍郎鄧洵武罷守本官知隨州以宋萬年

父子與洵武議不合會妖人張懷素獄興其徒有與洵武聯姻者蔡京以為言遂貽罷免 九月正奉大夫中書侍郎梁子美罷為資政殿學士知鄆州以言者論子美在河北措置糴便不寔故有是命 三年四月右光祿大夫中書侍郎林摠罷守本官知滁州以言者論摠不學無術狠愎專恣故有是命 六月同知樞密院事管師仁罷守資政殿學士充佑神觀使師仁及政及兩月引疾乞罷故有是命 四年五月二十六日太師致仕楚國公蔡京降授太子少保致仕臣僚奏京頂居相位擅作威福權傾中外輕錫與以靈國用託爵祿以市私恩謂財利為有餘皆出誕慢務誇大以興事功肆為

搔擾援引小人結為死黨假借姻婭布滿要途以至交通豪民興置產業役天下之將作營建居第用縣官之人力般運花石乃至名為祝聖而修塔以壯臨平之山勢託言灌民田而決水以符興化之懺語至妖娛之告變而謬為心疾受孟詵之訛言而與之官爵趙真興輔之以妖術張大成竊議其姦意駭動遠邇聞者寒心稽之古人有一于此必加嚴刑而京兼有之乃復泰然無復忌憚謂宜暴白京罪明正典憲以為人臣之戒故有是命 二十八日門下侍郎余深罷為資政殿學士知青州深執政僅兩月引疾乞罷故有是命 七月中大夫守尚書右丞薛昂罷守資政殿學士知江寧府從所

請也 七月右光祿大夫知樞密院事鄭中居罷守觀
文殿學士中太一宮使制書眷言中宮時惟族屬具陳
悃幅力抗封章故有是命 政和元年八月二十七日
通奉大夫尚書右僕射兼中書侍郎張商英罷為觀文
殿大學士知河南府時臣僚言商英嘗作嘉禾頌司馬
光祭文毀謗先烈中宮選立初無建明陰懷異意令座
庾以己意諷臺諫排繫良善規變政體縱中書吏漏泄
命令等罪故有是命 九月十八日中大夫同知樞密
院事王襄罷守本官知亳州以襄身為大臣妄荐近侍
故有是命 二年正月宣奉大夫知樞密院事吳居厚
罷為武康軍節度使知洪州以居厚上章告老故有是

命從優禮也 四月太中大夫守尚書右丞鄧洵仁罷
守資政殿學士知亳州以臣僚言洵仁締交黃經臣附
張商英故有是命 七年十一月中大夫中書侍郎侯
蒙罷授資政殿學士知亳州以蒙上章乞罷故有是命
宣和三年十一月十六日中大夫中書侍郎馮煦載
罷為資政殿學士知亳州以言者論其不省墳墓故也
五年正月中大夫尚書左丞王安中罷為廣遠軍節
度使河北安山府安撫使兼知燕山府安中執政踰三
年會收復燕山安中請行故有是命 欽宗靖康元年
二月十八日太保領樞密院事蔡攸降授太中大夫提
舉亳州明道觀以臣僚言攸憑藉世祿濟以姦回平日

迷國亂常之罪不勝誅矣方王師平燕章貫為宣撫使而伐副之提數十萬之師挫於殘破之虜已正刑名故有是責其後再貶海島云是月中大夫尚書左丞蔡懋罷為資政殿學士大名尹大名府路安撫使懋執政凡一年至是宣和舊臣皆已去位適大名闕帥故有是命宣奉大夫守尚書右丞宇文粹中罷為資政殿學士知江寧府粹中執政踰一年初命以右丞危從上皇東幸已而除李綱以補其處至是上皇還闕乃有是命云奉正大夫尚書右丞李統罷守本官提舉亳州明道宮以奉使無狀故也通議大夫中書侍郎王孝迪罷為資政殿學士提舉醴泉觀孝迪執政一月罷以曾祖名政自

陳乞罷所受職官改延康殿學士未幾出知廬州繼又
落職提舉亳州明道宮 四月通議大夫門下侍郎趙
野罷為資政殿學士知襄陽府以言者論野輔政無狀
故有是命是月中大夫簽書樞密院事宇文虛中落職
提舉亳州明道宮虛中凡樞密府凡兩月以奉使無狀
故責及之 八月太中大夫同知樞密院事許瀚罷為
延康殿學士知亳州瀚在樞密府將移文督責神師中
使之出師以贖通師中素剛不受迫促遽興師決戰以
至敗績又言者論瀚任御史中丞日未嘗一言及蔡氏
於是落職官詞云 九月十五日太中大夫知樞密院
事李綱罷為觀文殿學士知揚州綱執政凡九月既宣

撫河東未幾朝廷易相綱即軍中上言乞罷故有是命
總而言者又論其專主用兵之議元無神算奇畫及命
以撫宣之任敗軍覆將耗用邦財不可數計臣僚又言
綱冒內禪之功以自名用姚平仲以至挫衄括取金
銀榜使思歸公上兵既妄動暫行罷免陰使其黨默諭
士庶使之伏闕既變亂假爵祿以市私恩推守禦之責
至數千人陰與吳敏黨庇蔡氏不能逆詐輒以蠟書結
余覩便金人復加怨憤命以宣撫抗拒君命乞納告身
逮至澤潞不務持重以至挫敗等十罪又言其所上章
疏多高自稱譽跋扈不恭乞行黜責於是以保靖軍節
度副使建昌軍安置 十一月中大夫知樞密院事馮

以上為一卷
罷免下

漸罷資資政殿學士太子賓客以奉使金人軍前議和
及還方有是命 高宗建炎元年五月三日銀青光祿
大夫尚書左僕射兼門下侍郎張邦昌罷為太保奉國
軍節度使同安郡王五月一赴都堂裁決大事至六月
四日責授昭化軍節度副使潭州安置制曰以死償節
者臣子之宜求生害仁者聖人所嫉倘或志存軀命則
將義薄於君親邦昌身受國恩位登宰輔方宗社有非
常之變乃人臣思自盡之時而不能抗虎狼強暴之威
徒欲為鼠雀偷生之計陷於大惡所不思言雖天奪其
衆坐愚至此然君異趙器代價可乎宜大正於典刑用
肅清於明分尚以本繇於通霄惻然姑示矜容默以

散官投之遠服其體好生之德毋忘自訟之心 四日
太中大夫門下侍郎耿南仲罷為觀文殿大學士提舉
杭州洞霄宮初欽宗即位南仲自以東宮舊臣謂當柄
用而吳敏李綱越次而進位居其上南仲積不平因每
事異議主和甚堅及虜再入寇議遣大臣詣軍前南仲
首以老為辭欽宗怒固遣之南仲既出城即自歸大元
帥府上薄其為人及登極因其自請故有是命未幾言
官交章論其主和悞國罪不可貸因落觀文殿大學士
其後論者不已乃以散官安置臨江軍 六月中大夫
尚書左丞馮澥罷為資政殿學士知潼川府澥執政僅
半年更圓城之變一時大臣皆北行而澥獨留其後隆

祐太后命解奉迎上於南京及上即位堅請罷故有是命 七月十五日太中大夫尚書右丞呂好問罷為資政殿學士知宣州以自乞罷政故有是命 八月二十五日銀青光祿大夫守尚書左僕射兼門下侍郎充御營使李綱罷為觀文殿大學士提舉杭州洞霄宮制書以綱欲盡括郡縣之私馬將竭取東南之民財茲遣防禦之師寔為渡河之援每敦促其速進輒沮抑而不行尚緣注意之求特徇乞身之請故有是命 二年五月二日通議大夫尚書右丞許景衡罷為資政殿學士提舉臨安府洞霄宮景衡嘗建言請車駕渡江駐蹕言者論其失故有是命 三年二月二十日光祿大夫尚書

左僕射兼門下侍郎御營使黃潛善罷為觀文殿大學士知江寧府正議大夫尚書右僕射兼中書侍郎御營副使汪彥伯為觀文殿大學士知洪州皆以潛抵舊恩相輔無謀致倉卒南渡言者論其罪惡故也 三月三日中大夫尚書左丞葉夢得罷為資政殿學士提舉中太一宮使兼侍讀提領戶部財用車駕巡幸頻逆使夢得執政十四日罷而有命力辭不就職遂出知洪州兼江西制置使復辭於是提舉西京嵩山崇福宮 二十五日中大夫尚書左丞盧益罷為資政殿學士提舉西京嵩山崇福宮 四年八月二十五日以中書大夫資政殿學士特降兩官以言者論益自慶州奉迎隆祐太后

旋歸所至擾民故也 四月一日通奉大夫中書侍郎
王孝迪罷為資政殿學士提舉西京嵩山崇福宮孝迪
再執政一月而罷六日宣奉大夫尚書右僕射兼中書
侍郎朱勝非罷為觀文殿學士知洪州中大夫門下
侍郎顏岐罷為資政殿學士提舉南京鴻慶宮簽書樞
密院事路允迪罷為提舉醴泉觀兼侍讀中大夫尚書
右丞張浚罷為資政殿學士知江州 是年七月八日
勝非落職提舉亳州明道宮內浚落職責授祕書少監
分司南宮居住衡州允迪罷制置使職事提舉江州太
平觀坐苗劉之變不能或遏故也 八月五日中大夫
叅知政事李昉罷為資政殿學士提舉杭州洞霄宮昉

以危從隆祐皇^也往洪州故也 四年二月二十二日
通議大夫守尚書右僕射同中書門下平章事御營使
杜充罷為觀文殿大學士提舉江州太平觀詔以充總
諸將萬夫之屯當長江一面之寄乃因奔北惟事退藏
止罷要權猶從優數故有是命 五月十四日中大夫
叅知政事王絢罷為資政殿學士提舉萬壽觀兼侍讀
絢執政不及一年至是乞罷政而有是命從優禮也
二十三日中大夫同知樞密院事兩浙西路宣撫使
望責授祕書少監分司南京衛州居住臣僚言望脫身
避寇縱兵大掠致賊騎復破吳門又擁重兵坐視臨安
陷沒而不赴援詔罷職官觀言者又論其罪大責輕故

有是命

八月二十五日詔朝散大夫滕康朝散大夫

劉珏並特責授祕書少監分司南京滕康永州居住劉

珏衡州居住臣僚言康權知三省樞密院事珏為權同

聞警急之報了無憂國之心至使太后来流涉險為虜

騎之所追迫乞再行竄逐故有是命 十月五日朝奉

大夫端明殿學士簽樞密院事趙鼎罷授依前職提舉

臨安府洞霄宮詔以鼎乞言詞故有是命 紹興元年

正月十三日中大夫參知政事謝克家罷為資政殿學

士提舉臨安府洞霄宮克家以疾求去故有是命 七

月二十九日通議大夫守尚書右僕射同中書門下平

章事兼知樞密院事范宗元罷為觀文殿學士提舉臨

安府洞霄宮制書以輕用人言妄裁官簿以廟堂之尊而負天下之謗以人主之孝而暴君親之非因其乞身故有是命 八月十五日中大夫叅知政事張守罷為資政殿學士提舉臨安府洞霄宮以引疾求退云 十一月十七日中大夫同知樞密院事富直柔罷為提舉臨安府洞霄宮臣僚論其徇私植黨乃乞罷故也 二年六月十三日中奉大夫翟汝文叅罷知政事詔以祖宗以來宰相叅政通治三省事汝文專恣故也 八月二十七日左通奉大夫守尚書右僕射同中書門下平章事兼知樞密院事提舉修政局秦檜罷為觀文殿學士提舉江州太平觀九月一日落職官觀仍舊制書以

憑恃其黨排恨所憎進用臣鄰率面從而稱善稽留命
令輒陰誅以交攻故也未幾臣僚累章論列遂落職
三年九月七日尚書左僕射同中書門下平章事呂頤
浩罷為鎮南軍節度使提舉宮觀九日又罷節度使除
觀文殿大學士宮觀如故頤浩初以言章求出既罷相
建節言者復論其制詞厚厚無一字貶黜乃罷節除職
四年正月二十九日左中大夫端明殿學士同簽書樞
密院事充大金軍前通問使韓肖胄罷知溫州肖胄在
樞庭近半年及使還有是命從所請也 二月左中大
夫叅知政事席並罷為資政殿學士提舉江州太平觀
以言者論其去歲議遣大臣使虜獨以母老為辭近者

虜使對楊榻前獨無一言之助故有是命論者不已遂落職云 三月十五日檢校少保定國軍節度使知樞密院事張浚罷為資政殿學士提舉臨安府洞霄宮以臣僚論其輕失五路故也 五月二十三日同知樞密院事淮南兩浙等路宣撫使周望罷為提舉江州太平觀六月三日責授祕書少監分司南京澠州居住以言者論其誤國敗事故也 二十五日左中大夫端明殿學士簽書樞密院事徐俯罷為提舉臨安府洞霄宮官職依舊制以奏章俄上引疾甚堅故也 五年閏二月三日左朝散大夫端明殿學士簽書樞密院事胡松年罷知宣州以松年為簽書數月求去故也 六年二月

二十日中大夫叅知政事沈與求罷為資政殿學士知
明州以累章請求外故有是命未幾改提舉臨安府洞
霄宮 十二月九日左正奉大夫守尚書左僕射同中
書門下平章事兼知樞密院事都督諸路軍馬呂頤罷為
觀文殿大學士兩浙東路安撫制置使知紹興府制書
以粵惟入輔之初叅贊親征之議捷方奏而求去章屢
却而復來故也 十三日左朝議大夫端明殿學士兼
書樞密院事析彥質罷為提舉臨安府洞霄宮依前官
職以彥質屢乞解罷機政故有是命 七年九月十三
日特進尚書右僕射同中書門下平章事兼樞密院使
都諸路軍馬張浚罷為觀文殿大學士提舉江州太平

觀時以鄧瓊之亂故也 八年正月十一日左中大夫
張守罷叅知政事除左通議大夫資政殿大學士加食
邑五百戶知婺州守累章乞祠故有是命 三月九日
左中議大夫叅知政事陳與義罷為左太中大夫充資
政殿學士知湖州與義在政府一年與張守相繼告退
詔除便郡而特轉官加恩亦一時之異數也 十月四
日叅知政事劉大中罷為資政殿學士知慶州以大中
累章乞罷機政既而臣僚論列復罷授宮觀 二十一
日特進尚書左僕射同中書門下平章事兼樞密院使
趙鼎罷授檢校少傅奉國軍節度使充兩浙東路安撫
制置大使兼知紹興府制書以虜曾攻於合肥決漢相

親征之計民未安於建業貧商盤舊土之遷正資一德
以相扶亦賴同心而共濟遽乃抗章請去力稅莫回故
有是命 十一月二十二日左通議大夫樞密院副使
王庶罷為資政殿學士知潭州庶在政府十月抗章請
外故有是命其後以言者論列落職官觀久之責授嚮
德軍節度副使道州安置云 九年十二月十五日左
中大夫叅知政事李光罷為資政殿學士提舉臨安府
洞霄宮光在政府歲餘論事不合求去詔與郡言者攻
之遂奉祠再二年再坐彈章於是責授建寧軍節度副
使藤州安置 十年五月六日左太中大夫為書樞密
院事韓肖胄罷為資政殿學士知紹興府肖胄再入西

府歲餘而罷從所請也 十一年七月八日左通議大夫叅知政事孫近罷為資政殿學士提舉臨安府洞霄宮近以臣僚累章論列求罷得祠明年正月再以言者落職既而責授左朝散郎祕書少監分司南京漳州居住十四年降三官移居南安軍云 八月九日少保樞密副使岳飛罷為武勝定國軍節度使依前少保充萬壽觀使仍奉朝請臣僚累章論飛大率謂昨來被旨起兵則固稽嚴詔畧至龍舒而不進茲者銜命出使則堅執偏見欲棄山陽而不守飛以故累上章乞罷始降詔不允再請遂有是命 十月二十八日楊武翊運功臣太保樞密院使吳國公韓世忠罷為橫海武寧安化軍

節度使依前楊武翊運功臣充醴泉觀使仍奉朝請連進對國公制曰比繇外間之嚴入幹中樞之柄予深注意日觀前著之籌敵亦聳聞固已側席而坐乃忽陳於悃悃願遂節於燕申故有是命十一月五日左大中大夫范同政事范同罷為提舉西京嵩山崇福宮臣僚言同初執政即為逮蔡之謀由信州至建康所過搔擾郡縣又謂朝廷收天下兵柄歸之宥密同乃貪天之功以為己有故有是命其後再生論列遂責降分司云十二年八月六日簽書樞密院事何鑄罷為依前端明殿學士左朝奉大夫提舉江州太平觀以臣寮論鑄首董岳飛之獄閱日滋久初無一言叙陳既而以樞臣使

虜自謂議獄不合遂致遠行故有是命後有落職分司
徽州居住云 十一月五日安氏靖難功臣太傅樞密
使益國公張浚罷為鎮洮寧武奉寧軍節度使依前靖
難功成太傅進封清河郡王充醴泉觀使仍奉朝請制
書以自陞宥密之司尤切安危之寄適鄰封之敦睦幸
寡字之小康而乃數貢誠忱力求閑退故出 二十二
日少保樞密院使信安郡王孟忠厚罷為少傅鎮潼軍
節度使依前信安郡王判福州制書以官以孤少之責
位以樞廷之崇庶俾同寅用期至治曾坐席之未暖遽
封囊而請閑故也 十三年閏四月二十八日左太中
大夫叅知政事王次翁罷為資政殿學士提舉臨安府

洞霄宮次翁以老自請故也 六月十七日程克俊罷
簽書樞密院事依前端明殿學士左朝奉郎提舉臨安
府洞霄宮克俊以久嬰末疾自請故也 十四年二月
二十五日左通奉大夫叅知政事萬俟卨罷為提舉江
州太平觀以臺諫交章論列詔除職與郡邑而給舍駁
奏故有是命 五月十四日資政殿學士左朝奉大夫
簽書樞密院事同提舉詳定一司勅令樓炤罷為提舉
江州太平觀職名仍舊以臣僚論列故也 十二月二
十二日端明殿學士左朝奉郎簽書樞密院事李文會
罷守本官提舉江州太平觀今筠州居住初以臺諫交
章論列罷政與祠既而又論文會嘗薦冒品官人陳洵

武於奉使王師心濫轉四資洵武坐送大理寺取勘文
會遂貶高安云 十五年十月四日端明殿學士左朝
奉郎簽書樞密院事兼修玉牒楊愿罷為提舉江州太
平觀職名仍舊以愿自陳故也 十七年二月二十七
日左中大夫叅知政事李若谷罷為資政殿學士提舉
江州太平觀尋落職令江州居住若谷初以論罷得外
祠言者再乞奪職徙之遠地故有是命 三月十二日
端明殿學士左朝奉郎簽書樞密院事何若罷依舊職
名提舉江州太平觀以累章引疾乞罷故也 十八年
二月六日左中大夫叅知政事段拂罷為資政殿學
士提舉江州太平觀興國宮尋落職依舊宮觀興國軍

居住臣寮言建炎間建康府通判楊邦乂伏節死義而
拂攝倖事恬不知恥何以躡居政府遂除職與祠言者
不已乃落職依舊官觀與國軍居住 四月十三日左
中大夫知樞密院事兼提舉祕書省秦熺罷為左通奉
大夫觀文殿學士提舉萬壽觀兼侍讀兼提舉祕書省
以熺自請父子共政嘗避熺段故也 八月十一日端
明殿學士左朝奉郎兼書樞密院事汪勃罷為端明殿
學士提舉江州太平興國宮勅在西府踰一年坐劾章
乃以親老歸養為請故有是命 二十一年十一月十
四日左中大夫叅知政事余堯弼罷為資政殿學士提
舉在外宮觀尋落職依舊官觀以臣寮論其無所建明

初除職興祠又論乃落職宮觀云 二十二年四月十二日端明殿學士左朝奉郎簽書樞密院事丞汲罷為端明殿學士提舉江州太平興國宮尋落職以臣寮論其絀罷政奉事再論遂落職 九月二十二日端明殿學士左朝奉郎簽書樞密院事章復罷為端明殿學士提舉江州太平興國宮尋落職以臣寮論其受命以來所建明詔以舊職奉祠及再論黜之 二十三年十月十三日端明殿學士左朝奉大夫簽書樞密院事兼權叅知政事宋瑛罷為端明殿學士提舉江州太平興國宮尋落職依舊宮觀初臣僚論列依舊宮觀既而言者不已故落職云 二十四年六月十一日端明殿

學士左朝奉郎簽書樞密院事史才罷為端明殿學士
提舉江州太平興國宮尋落職以臣僚論列罷政仍舊
職奉祠及再論遂黜之 十一月十六日左朝奉郎端
明殿學士簽書樞密院事魏師遜罷為端明殿學士提
舉江州太平興國軍尋落職依舊宮祠初以臣僚論列
罷政奉祠仍舊職再論遂黜之 二十五年四月九日
左中大夫叅知政事施鉅罷為資政殿學士提舉江州
太平興國宮既而落職依舊宮觀臣僚言鉅昨因國忌
行香擁蓋入景靈宮門衆論大喧始送其卒于有司以
故除職宮觀再論黜之 六月三日端明殿學士左朝
奉郎簽書樞密院事鄭仲熊罷為端明殿學士提舉江

州太平興國宮臣僚言仲熊一入樞府即拱嘿結舌及
歸私第即戒門杜賓陰令姪時中交通沈長卿以謗訕
黨逮棘寺中熊力為營救故有是命 十二月十二日
左中大夫叅知政事董德元罷為資政殿學士提舉江
州太平興國宮尋落職依舊宮祠以臣僚論列其附會
權臣故也 二十六年二月十九日左中大夫叅知政
事魏良臣罷為資政學士知紹興府臣僚論良臣不公
之跡故有是命 八月二十六日左中大夫叅知政事
程克俊罷為資政殿學士提舉臨安府洞霄宮克俊以
疾請故有是命 二十七年九月十一日左中大夫叅
知政事張綱罷為資政殿學士知婺州綱執政一年而

罷從所請 十一月二十六日左中大夫知樞密院事
湯鵬舉罷為資政殿學士提舉在外宮觀尋落職罷官
祠臣僚論其在言路賣直除職奉祠言者不已卒落職
越明年二月二十六日再論列乃罷宮觀云 二十九
年六月十六日左中大夫知樞密院事陳誠之罷為資
政殿學士知泉州尋落職罷官觀臣寮論其進以附會
無所建白除職與邵再落職奉祠云 二十六日特進
尚書左僕射同中書門下平章事監修國史兼提領編
修玉牒所沈該罷為觀文殿學士提舉臨安府洞霄宮
既而落職依舊致仕臣寮論該在政府數年曾無建明
於是罷政初以職名宮觀既而落職致仕亦該連請謝

事也 三十年六月二十三日左中大夫知樞密院事
罷綸罷為資政殿大學士知福州綸在樞密府踰三年
引疾乞罷故有是命未赴鎮間改除提舉臨安府洞霄
宮云 八月七日左太中大夫恭知政事賀允中罷為
左通議大夫資政殿大學士致仕允中在政路暮年上
章告老遂遷秩超職云 十二月一日左金紫光祿大
夫尚書左僕射同中書門下平章事湯思退罷為觀文
殿學士提舉江州太平興國宮尋落職依舊宮祠先是
十月癸亥日方遇中天無雲而有雷聲人情駭異至是
臣寮言本朝慶歷八年京師一日無雲而震仁宗皇帝
謂張方平曰夏竦姦邪天變如此亟命卓麻黜之今日

之變其在大臣乃交章論罪思退卒詔落職云 三十
一年七月十九日左中大夫同知樞密院事周麟之罷
在外宮觀後責授左朝奉大夫祕書少監分司南京筠
州居住臣寮論麟之辭使虜之行於是罷政與祠言者
不已乃有是命 三十二年三月一日左中大夫叅知
政事楊椿罷為資政殿學士在外宮觀尋降為端明殿
學士臣寮論椿為執政無所建明初職奉祠再論降之
已上中興會要 孝宗紹興三十二年十月六日未改元詔左通議
大夫知樞密院事葉義問除資政殿學士提舉江州太
平興國宮任便居住尋降充端明殿學士依舊宮祠既
而落職送饒州居住先是殿中侍御史張震右正言周

操交章論列乞行貶責義問亦上章求解機務遂除資政殿學士提舉太州太平興國宮既而右諫議大夫劉度論其邊隅有警奉詔督視強復自用暗於機事驅迫李橫喪師長寇乃降端明殿學士依舊宮祠御史中丞辛次膺又極論義問乞鑄職遠竄於是落職饒州居住隆興元年二月二十二日詔左通議大夫同知樞密院事黃祖舜除資政殿學士知潭州制書祖舜亟由禁闥晉貳樞庭遽抗封章力辭位著故有是命 三月十八日詔左太中大夫同知樞密院事新除叅知政事張燾除資政殿大學士提舉萬壽觀魚侍讀制書以燾一代宗儒四朝舊德廼辭榮而謝事至引疾以卧家要當就

見以決疑何可乞身而遽去故有是命 五月十五日

詔左通奉大夫守尚書右僕射同中書門下平章事史
浩可特授觀文殿大學士知紹興府制書以浩屬予纂
序之初積以潛藩之舊甫經半載躡至中台荐形懇款
之辭茂副挽留之意故有是命 六月九日詔左通議
大夫叅知政事汪澈除資政殿學士提舉臨安府洞霄
宮尋落職台州居住以右諫議大夫王大寶論其宣諭
荆湖措置乖繆故也 十九日詔左中大夫叅知政事
辛次膺除資政殿學士提舉臨安府洞霄宮制書以次
膺懷列朝之正色懷復君之大志逮朕纂承首加趣召
方資勵翼莫遂挽留故有是命 十二月三日詔特進

尚書左僕射同中書門下平章事兼樞密院使陳康伯
除少保觀文殿大學士判信州制書以康伯當國家多
事之時專廊廟萬幾之寄心如金石勲在旂常朕方委
任而責成爾亦勤勞而匪懈以煩幾務屢抗封章諭旨
莫回陳辭益固故有是命 三年四月二十三日詔降
授特進尚書右僕射同中書門下平章事兼樞密院使
魏國公張浚特授少師保信軍節度使判福州制書以
浚提江淮表裏之封畫顯總統佩將相安危之寄式重
倚毗三年于茲庶績用人疊覽指瑕之効且披請老之
章故有是命 七月四日左中大夫同知樞密院事洪
遵除端明殿學士提舉江州太平興國宮制書以遵自

托不能所請甚力故有是命 十月十五日詔左通議
大夫知樞密院事賀正除資政殿大學士致仕允中
以衰老不能拜跪上章乞依前官致仕故有是命 十
一月十日詔特進尚書左僕射同中書門下平章事兼
樞密院使湯思退特授觀文殿大學士提舉江州太平
興國宮尋有旨落職永州居住以諫議大夫伊穡侍御
史晁公武論其扶術自營不為國計謀謨乖刺措置顛
倒自壞邊備一意議和如罷築壽春城散方弩營兵輟
修海甬毀折水櫃甚至撤海泗唐鄧之戍使虜人乘虛
侵軼邊境及除都督邇邇不行縱敵悞國一至於此故
有是命 閏十一月五日詔左中大夫叅知政事周葵

除詹事府學士提舉臨安府洞霄宮制書以葵粦自強
陸之警浸勤夙夜之憂正賴同寅用圖再造俟爾易退
確乎弗移故有是命 二十四日詔左中大夫恭知政
事王之望除端明殿學士提舉江州太平興國宮制書
以望之復往視師久不聞問國人皆曰可殺謂尚出於
私心臺評以汝為傾殆弗公於公議故有是命 乾道
元年二月十九日詔少保尚書左僕射同中書門下平
章事兼樞密院使陳康伯特授少師觀文殿大學士曾
國公致仕制書以康伯膺兩朝眷注之恩積四載經綸
之業勲在王室澤潤生民朕茲垂拱以仰成法乃遂巡
而被寵故有是命 六月六日詔左中大夫同知樞密

院事王剛中致仕制書以剛中夙宵無倦勞役過差用
典節宣寢成沉痾斯有掛冠之請且遂安車之榮故有
是命 八月十七日詔通議大夫叅知政事兼權知樞
密院事錢端禮除資政殿大學士提舉萬壽宮仍奉朝
請制書以端禮方隆眷注期底乂寧屬元良肇舉於曠
儀願姻婭難居於臚仕故有是命 二十二日詔左中
大夫叅知政事兼同知樞密院事虞允文除端明殿學
士提舉江州太平興國宮制書以允文召從岳牧乃登
廟堂雖眷倚之意彌堅而丞弼之勲空著方責成於治
効儀自速於煩言故有是命 二年三月三十日詔左
通議大夫守尚書右僕射同中書門下平章事兼樞密

使洪适特授觀文殿學士提舉江州太平興國宮制書
以适亟升樞筦旋秉國鈞方本朝儲名責實之秋盖大
臣同心輔政之日何未疑于懿績遽有噴於煩言故有
是命 四月二十二日詔左通議大夫樞密使汪澈除
觀文殿學士提舉臨安府洞霄宮制書以澈比外服越
越還本朝進外樞筦之崇旋正使名之重載披奏牘祈
解近司故有是命 八月五日詔左中大夫叅知政事
兼權知樞密院事葉顯除資政殿學士提舉臨安府洞
霄宮制書以顯既付之政事之煩又委以樞機之寄正
當公心而及物直己以正人尚稽庶績之熙遽至煩言
之責故有是命 八月十六日詔左中大夫同知樞密

院事兼權叅知政事林安宅可筠州居住是歲五月林
安宅為右諫議大夫與侍御史王伯厚論列叅知政事
葉顯姪元璘請求周良臣職事下臨安府送獄勘鞫至
是獄始具葉驗皆無寔跡故有是命 三年十一月九
日詔左正議大夫守尚書左僕射同中書門下平章事
兼樞密使葉顯提舉江州太平興國宮制書以顯並由
外服擢冠中台馴奸至日之和忽駭冬雷之咎故有是
命 同日詔左宣奉大夫守尚書右僕射同中書門下
平章事兼樞密使魏杞提舉江州興國宮制書以杞度
越桑章招登陽輔當雷在地中之候駭冬興禹治之時
各證不虛師言未厭故有是命 四年八月二十二日

詔左中大夫同知樞密院事兼叅知政事劉洪除端明殿學士知隆興府制書以洪妻以連城見牧人御衆之畧陪于太政有同寅協恭之風明謨雖賴于贊襄遠服正深于憂頌故有是命 十月十二日詔左正議大夫守尚書右僕射同中書門下平章事兼樞密使蔣希鮮官持母服從所請也 五年三月十九日詔左中大夫叅知政事兼同知樞密院事王炎除四川宣撫使制書乃瞻坤維方資明使戴頌渙綽仍預政機勉為朕行徒得君重故有是命 六年五月十九日詔左光祿大夫守尚書左僕射同中書門下平章事兼樞密使陳俊卿特授觀文殿學士知福州制書以俊卿壹貢封囊頌還

印紋既屢形於優詔曾莫奪於忱衷惟時委寄之隆豈有中外之間故有是命 七年三月十四日詔明州觀察使新除簽書樞密院事張說特授安慶軍節度使提舉萬壽觀制書以說祈避要途務安素守故有是命

八年九月十二日詔特進左丞相兼樞密使華國公虞允文特授少保武軍節度使充四川宣撫使制書以允文萬觀續用之優乃上封章之力重違其請誠雖輟於弼諧庸聽其歸蓋雅資於綏撫故有是命 九年正月七日端明殿學士左朝散郎簽書樞密院事王之奇除資政殿學士知揚州制書以之奇矧惟乃父嘗佐光亮雖內處於壽惟亦外靜於邊境勉孜成績追配前聞故

有是命 十月十二日詔左宣奉大夫右丞相兼樞密使梁克家特授觀文殿大學士知建寧府制書以克家方共熙於庶績乃願釋於繁機屢貢奏封力陳疾疾閑平津之閑弗為朕留圖申伯之居勉從爾志故有是命十二月六日詔左中大夫同知樞密院事沈復徐資政殿學士知荊府南制書以復結知既深責望斯太輟從輔弼往義蕃宣職茲眷篤之誠勉副倚毗之意故有是命 淳熙元年六月二十九日中奉大夫叅知政事姚憲除端明殿學士在外宮觀既而有旨令南康軍居住先是憲乞罷叅知政事請祠遂除端明殿學士在外宮觀已而臣寮交章論憲黃緣冒寵致身政路交通臺諫

僥國相位乞行貶責故有是命 八月五日安慶軍節度使知樞密院事張說除太尉提舉隆興府玉隆觀依前安慶軍節度使制書以說暖升掌武之階夙任本兵之寄何乃奏封之上願從散地之居故有是命 十一月十二日昭慶軍節度使為書樞密院事楊陟知荆南府制書以侯移疾抗章避煩上印故有是命 二十三日光祿大夫右丞相曾懷除觀文殿大學士提舉臨江府洞霄宮先是六月右司諫唐亢宗殿中侍御史季棠論列懷六事罷免既而懷上章自辯令吏部之言仍詔大臣救民瘼如淮甸之賑濟諸郡之科繇暑月之賑甲近畿之和糴若此之類名色甚多皆合亟議罷行仍

劄下六部長貳及臨安府兩浙轉運司各據所隸凡可
以慰安人心銷弭天變者申尚書省施行詔從之 五
月二十九日正奉大夫右丞相兼樞密院使兼太子少
傅錢象祖等言臣等二月十四日伏蒙宣諭臣等飛蝗
大作朕日夕憂懼雖宮中連日祈禱尚乃如故恐有抑
塞上干和氣凡合舉行之事可條具聞奏臣等即具知
稟回奏外竊惟比歲以來飛蝗為災遍及江浙墜下每
睹變異憂形詞色蓋自權臣首禍輕起兵端南北生靈
肝腦塗地冤憤之氣充塞穹壤其散為癘疫化為蝗蝻
理或有之然弭災致祥豈無其道臣等亦安以往事為
解嘗攷之占書京房曰臣妾祿位茲謂貪厥災蟲又曰

蝗蟲四起國多邪人朝無忠臣之救也舉有道置於位
漢名奏曰蝗者貪擾之氣所生天意若曰貪狠之人蠶
食百姓若蝗食稼擾民推類叙意皆家群下貪狠威教
妄施宜勅正衆邪清審選舉退屏貪暴則可致太平是
知變不虛生災緣類而起臣等材猷淺薄識慮迂疎誤
被簡知擢居宰輔無嘉謀以裨主闕無忠澤以及生民
食浮于功德不稱位偷安亡補玩時愒日致茲咎異罪
何所逃京房之言於斯為驗乃若貪暴之吏所在而有
蓋天下郡邑至廣朝廷耳目有限親民者莫切於守令
察吏者莫急於監司往者尊臣庸相相輔為惡監司郡
守至以賄得專事褒勅巧謀進用吏化以來雖間有澄

汰而未能備加選擇漢臣之奏昭然不誣臣等伏願陛下監觀古者奮發威斷懲委任之失原致災之繇將臣等並賜罷斥別選內外名德宿望處以丞弼之寄使之俾並聖明講求闕政深詔近臣將在任及待監司公共攷察汰其不才特舉風力敏強清謹廉正之士分布諸路俾各察所部守令貪廉能否責以惠綏殄寡撫摩凋瘵庶幾答天人之望感召陰陽之和上以昭聖主宵旰黃畏之誠下以銷黎元嘆息愁苦之氣宗社幸甚臣等乞檢照隆興元年七月旱蝗詔令侍從臺諫兩省官各條具時政闕失詔令侍從臺諫兩省官條具聞奏六月十四日禮部太常寺狀準尚書省劄子節文為飛

蝗為災合修祭酺奉聖旨令禮部太常寺日下中尚書
省數內所有飛蝗飛入他郡者亦已令戶部證開禧三
年例禮行下州縣依小祀儀式用酒酺差守令說位祭
告行禮施行伏乞朝廷速賜指揮施行詔從之 八月
二日都省劄子檢會七月二十五日詔屬者蝗蝻為害
朕軫念焦勞省躬憂懼減膳忘寢未嘗頃刻自安今秋
以來雖屢得雨未盡蕩滌紛飛蔽空尚慮有傷禾稼尤
深震惕已於宮中齋戒致禱今再擇二十七日設醮保
穰不敢歸之時數未知所以銷弭之方其寬恤事件舉
行未盡者三省條具奏聞仍令有司復修酺祭及行下
監司守令凡飛蝗所到處去並須精加祈禱不得徒為

文具 二年五月九日臣僚奏臣聞動民以行不以言
應天以寔不以文此先儒之格言也夫水旱螟蝗之災
雖聖明之朝有所不免乃天之所以儆戒人君不能使
必無於世而禍福之機特在夫人事何如耳仰惟陛下
躬仁聖之盛德紹續累之慶基寅畏天命罔敢暇逸
自兵興以來飛蝗為災農功隳廢民食孔艱流離載道
仰蒙陛下軫念黎元至誠惻怛之意發自宸衷捐金闕
廩賑卹備至起衆朽為豐肌孳群生於轉~~運~~德至渥也
精誠所感宜格善祥比自春夏之交蝗之餘孽漸復滿
所幸二麥登場少回菜色而今秋歲時實為可慮臣竊
惟蝻蝗之害在去載已不可支公私憂皇上下匱乏延

頸企足以覲一稔豈應醜類又復縱橫不即殄除民天
何恃臣謂飛蝗提孽乃天災之未殄所為捕蝗之策誠
勦民之要道應天之急務在今日不宜緩也比者廷臣
抗疏乞行下郡邑依倣姚崇故事焚瘞撲除此誠殲災
之道臣濫司京華祇順德音除乞行下所管諸縣多方
捕滅外似聞近司及外路種類繁多悉州縣之間奉行
不虔玩時愒日不亟圖之轉矚成秋患可勝言是時雖
有興利除害之心悔將何及艱食流離之患詎宜再見
臣聞何郊於皇祐間奏疏乞降勅命應有蝗蟲生長處
去專督知州通判督屬縣官吏連行打捕如此嚴行督
責官司必能究心除害欲望聖慈中嚴是臣奏請指揮

特降旨專委逐路監司各仰嚴切督責所部內州縣如有蝗蝻去處在州則守臣督責屬縣在縣則縣令躬率任官親履阡陌廣行捕滅勿令滋育所有合用錢米除轉運司支撥外其逐州亦合斟酌事體輕重預行支撥應副毋令就縣載撥徒成文具仍不得科押里正使之陪備貧民藉此薄有霑勻不待驅迫自然雲集在官司亦有施行減裂許監司按劾以聞如此則百穀可保一飽可期天下幸甚詩曰逮天之未陰雨徹彼桑土綢繆牖戶惟陛下留神詔從之 二年五月五日都省劄子奉御筆時雨未通仰守令精誠祈禱監司分遣清強官踈決獄訟毋令淹滯具有遺蝗復生去處州縣舉行

醢多方捕除不得具文或守令貪殘不能體朕卹民
之意併加按劾諸軍將帥各務拊存士率如尚循舊習
敢行格刻之政並令御史臺覺察聞奏 六月十日尚
書省劄子勘會近有蝗蟲飛入府界合行差官祭告醢
神劄付禮部太常寺日下討論申尚書省今討論數內
一所有蝗蟲飛入府界者亦乞令戶部照開熙三年禮
例行下州縣依小祀儀式用酒醢一面差首令設位祭
告行禮伏乞朝廷指揮施行詔從之 三年正月二十
八日勅門下省比歲蝗旱民食不登捐瘠流亡良可哀
痛何天咎之慘耶靖惟厥繇往者委任不審寵賂章聞
輕動干戈怨氣薰積詭害于百姓時朕之愆粵從更化

日俟寧謚蜀祖發廩朝夕惴惴惟恐賑卹之不及亦冀
在位惻然有以分朕之憂而監司守令間猶循習鹵莽
其文未聞悉付朕志其能按察澄清而毋拘掣煩忌也
歟其能撫字牧養而毋貪婪剝剝也歟不然何吾民不
安業而忍為寇賊之歸歟無乃毀譽未公黜陟未明無
以使人盡其心歟興言及此朕則知之奉吾詔者朕則
朕之所以拳拳者歟繼自今以體國為心以舉職為能
勿欺勿慢各勵乃庸則旌表選擢朕不汝靳其或緣奸
邪尚姐前非假公營私以自豐殖使上德壅於下下怨
叢於上蠹國害民厥有常憲斯言不渝聽之毋忽故茲
詔示想宜知悉 九年五月八日中書門下省勘會飛

蝗漸有滋長合行祭告醺神五月五日詔令諸路轉運
司安撫司提刑司提舉司并江淮荆湖置制司三總領
所各行下所部州縣應有蝗蝻生發去處守令日下發
告醺神仍於在城靈應寺觀神祠精加祈禱務在速獲
銷弭城外分差官前去及令督責州縣疾速收捕淨盡
不得視為文具 五月二十六日臣僚言臣聞天之愛
君則時出災異之證臣之愛君則時陳警懼之說李沆
事真宗日取四方水旱盜賊奏之或者以為細事不足
煩上聽不知四方艱難之事不聞則警懼之念有時而
忘忠臣愛君正不當以水旱盜賊為細故而畧之也臣
伏觀今歲以來氣候和調風雨時若星文順軌蠶麥豐

登較之往年似若差勝此皆陛下憂勤之所至天下孰不知之然上天純愛之心不純降於休祥而吉凶休咎之相乘亦迭出而示戒日食於春月食於秋厲疫流行死亡猥衆物價踊貴餓殍載途氣衆轉至於蕭條田野不免於愁歎而其最可憂者有二烏飛蝗之滋生也盜賊之寢威也是雖曰道種不除飢寒所迫勢固有之而國之不早去之不逮其為患未可知也臣烏敢忘警懼之戒哉大抵干戈之後必有螟蝗曩者醜類相殘中原遺臭蝗蟲大作飛越淮南去歲浙江諸路所在有之此不過自北而南者耳其傷害禾稼蠶食山林已不勝其毒乃今道類尚留生有寢廣冬雪漫漫莫能殲殄自入

春暉羽翼漸生揖揖說說不可勝數若更滋長不已其
為禍豈不有甚於去歲耶陛下憂勤有加不思生視戒
飭縣州留意掩捕示以罪罰而又分命臣工徧禱祠宇
循行舊典告祭酺神以講求救災之術者誠切且至州
縣之間亦固有仰體上意募民捕獲視其多寡以粟易
之彼民當饑荒之餘方採草木之根以代粒食亦固有
樂然趨之以糗斗升之獲者然開諸路所申捕到之數
動以千百斛計則所支之粟為數必多今若斬目前之
所賞存給賞之虛名悠悠塞責緩不及事臣恐捕者不
多而生者益盛異時雖欲去之不可得矣此臣所謂可
憂者一也自古盜賊必生于貧民之無聊類聚黨合遂

至於滋蔓而不能止今不亟圖後將何及臣聞江淮飢民多行剽奪諸軍士卒亦寇敵攘此雖鼠竊而拘偷詎命肆行而無憚今江湖巨浸棹輕舫群不逞舟行之人偶與遇之則聽其席捲而去得免死已為厚幸逮其聞之官府而巡尉官吏懼遭責罰務在掩覆往往率眾勸和備償所失不欲上司之知至如都城內外有被盜者亦多總轄廂巡裒財以償甚多殺傷而逃而為盜者終不獲夫被盜之家計其所失而僅獲所償固有不得已而已者然上下掩覆相為蔽欺徒黨日繁竊能究結萬一外寇陸梁姦民乘間而起豈國家之福哉此臣所謂可憂者二也臣謂二者之患其端甚微流禍甚大防之

於其細慮之於其早庶可以為善後之圖縱其蔓延而
不早圖之終必有噬臍之悔今捕蝗有格捕盜有令一
切責之於監司郡縣此固事之當然蓋特其細者耳變
異之來所以潛弭於冥冥者是必有本原之論也臣觀
仁宗皇帝慶厯中盜賊猖狂飛蝗為孽余靖為諫官數
上疏言其事論禦盜則先于安民論飛蝗則欲修人事
所謂安民者不通謹政作勿爭其利而人事之修亦原
於君臣上下之闕失是則弭災救患之本陛下所不可
不知也陛下誠反而思之國家果能不多其利而民果
能得其安平君臣上下果能無闕而人事果能盡修乎
若猶未也當益勉其所未至可也安可諉之適然哉臣

願陛下念飛蝗之滋生思盜賊之寢威講求治道之本
潛消災變之萌警懼之心無時而忘則轉災為祥特反
掌耳惟陛下留神省察詔從之 六月二十二日中書
門下勘會日來稍有飛蝗合行祭告醺神詔行下諸路
監司督責州縣委自守令應有飛蝗去處疾捕逐再
行祭告醺神仍令於靈應寺觀解宇精加祈禱務在速
獲消弭自指揮到日各具凜遵文狀申尚書省

宋會要 卷九

淳熙十六年五月八日詔少保左丞相益國公周必大特授觀文殿大學士依前少保判潭州尋罷職任以少保益國公充醴泉觀使在外任便居住已而臣僚言其不公不平不正十事乞賜罷斥詔以必大強辯初政求去甚力已授前職判潭州繼而殿中侍御史范處義又言之遂有是命紹熙元年十二月六日詔樞密使王藺放罷先是藺以相得請未幾御史中丞何澹言其兇暴出於天資忿戾形於面目觀視相位不得則忿怒有持臺諫不從則謗罵雖處西府必欲奪東府之權又容縱其弟某所在暴橫乞賜罷黜故有是命五年正月二十一日詔特進右丞相葛邲特授觀文殿大學士依前特進判建康府制書休休有容本務彌縫而藏用謙自牧乃晦明哲以保身雖疊聞議者之言顧敢替相臣之禮勉留備至懇退彌堅朕審其累奏之義因念其在公之盡瘁用頒宸指押擇宰司書殿隆名班特高於儒學師著要地任增重於居留體貌斯全眷懷惟厚嘉泰三年正月十日詔少保右丞相冀國公謝深甫特授觀文殿大學士依前少保判建康府加封益國公加食邑一千戶食實封四百戶以深甫累章求退詔依所乞也二十四日詔正奉大夫參知政事張巖除資政

殿學士知平江府以嚴累章求退詔依所乞也 二月二日詔新降瑞明
殿學士通議大夫簽書樞密院事傅伯壽依舊瑞明殿學士在京宮觀兼
侍讀修國史應合得恩數並依執政體例仍免奉朝請伯壽以病乞去位
詔依所乞也 九月五日詔宣奉大夫參知政事袁說友除資政殿學士
與宮觀以臣僚論列章不出說友亦再上章乞祠依所乞也 四年四月
十一日詔銀青光祿大夫知樞密院事兼參知政事許及之放罷以監察
御史高非卿論列故有是命 八月二十八日詔中順大夫參知政事張
孝伯放罷以臣僚論列故有是命 開禧元年三月二十六日詔通奉大
夫參知政事兼樞密院事費士寅除資政殿學士知興元軍府事充利州
東路安撫使以臣僚論列章不出士寅亦再上章求去故有是命 九月
十四日詔瑞明殿學士大中大夫簽書樞密院事劉德秀除資政殿學士
提舉臨安府洞霄宮德秀以病乞去位詔依所乞也 二年三月二十四日
詔中大夫參知政事兼同知樞密院事錢象祖降兩官送信州居住以臣
僚論列故有是命 三年十月六日詔光祿大夫知樞密院事張巖與宮
觀先是除資政殿大學士知福州巖抗章乞祠故從之 十一月三日詔
韓侂胄罪惡貫盈合行誅戮是日誅韓侂胄陳自强罷右丞相兼樞密使

特授醴泉觀使在外任便居住續詔陳自強謫授武泰軍節度副使永州
居住蘇帥旦決眷熱諫昌化軍未行間令廣東提行躬親處斬王容送臨
安府史建祖等送大理寺根究以皇子榮王奏今日之事有繫國家安危
大計甚可慮者不敢不亟陳於君父之前臣伏見韓侂冑久任國柄輕信
妄為遽啟兵端使生靈無辜殞於鋒鏑之下不可勝計死者冤痛生者愁
苦海內之民無不切齒於侂冑蓋其權勢足以鉗天下士大夫之口而不
敢言臣而不言死有餘罪若不令其退避有愆必致上危宗社重貽君父
之憂欲望聖慈特發露斷罷韓侂冑平章軍國事與在外官觀安邊繼好
保邦息民定在此舉陳自強專意阿附備位無補望并賜罷黜乞速付三
省施行從之給事中雷孝友繳奏韓侂冑植黨擅權稱兵首亂乞明正典
刑陳自強竊緣無耻曲意逢迎乞速加貶竄御史中丞衛誼言韓侂冑專
權擅朝奏分敗常自知無所容乃擅啟兵端競立邊功以自固納兵議之
將復授以西帥儀竟挾虜以叛觀信奴諫蘇師旦至東旄鉞納賄賂用庸
將皇甫斌敗於唐州李汝翼敗於符離商榮敗於東海郭侯敗於儀真兩
淮四十年生聚遂成丘墟南北數百萬生靈之命皆韓侂冑一人殺之也
陳自強本無寸長侂冑念舊汲引由州縣小官不數年為次相每對客言

自強受恩之深只得順從自強之罪亦不勝誅伏望將倪胄自強重賜施行小帖子言蘇師旦雖已竄竊未正典刑內臣王容連大皇道旨盜內帑以奉倪胄堂吏史連祖朕聖量如屋繼師旦用事共為姦利乞送大理寺根勘依法施行左司諫王居安奏乞將韓倪胄顯行誅戮以正元惡之罪陳自強遠竄以為朋奸誤國者之戒小帖子乞盡籍倪胄家財專為備邊之用故有是命 十七日詔中大夫參知政事兼同知樞密院事李壁降兩官送撫州居住以臣僚論列故有是命 嘉定元年六月十日詔中大夫參知政事衛徑與在外宮觀以御史中丞章良能論列故有是命 十六日詔端明殿學士朝請大夫簽書樞密院事林大中特授朝議大夫守端明殿學士簽書樞密院事致仕大中以病乞去位詔從所乞也 八月十四日詔資政殿學士通奉大夫新除同知樞密院事丘宙特授政議大夫守同知樞密院事致仕宙以病急乞謝事詔從所乞也 十二月一日特進左丞相兼樞密使兼八子少師錢象祖除觀文殿大學士判福州以象祖累章求退而臺臣亦有論列也 三年十二月二日詔正議大夫參知政事兼樞密院事宇文紹節特轉兩官除資政殿學士正奉大夫簽書樞密院事宇文紹節特轉兩官除資政殿學士

士守簽書樞密院事致仕以紹節上遺表故有是命四月十二日詔光祿
大夫參知政事樓鑰除資政殿學士知太平州以病屢上章乞解機政故
有是命七年正月十日詔通奉大夫參知政事章良能特轉三官除資政
殿大學士守參知政事致仕以良能上遺表故有是命八年二月十八
日詔正議大夫知樞密院事兼參知政事雷孝友除觀文殿學士知福州
充福建路安府使以病屢上章乞去位故有是命十三年三月二十三
日詔觀文殿學士知潭州湖南安撫使安丙除崇信軍節度使開府儀同
三司充萬壽觀使以監察御史李安行論列乞畀以真祠故有是命十
二年四月二十六日詔正奉大夫參知政事曾從龍致罷先是自陳乞解
機政得旨除職與官觀既而待御史李楠論到故有是命十四年八月
三日詔端明殿學士通議大夫簽書樞密院事兼權參知政事任希夷除
資政殿學士知福州以病上章乞閑故有是命十二月十日詔正奉大
夫知樞密院事兼參知政事鄭昭先除資政殿大學士知隆興府以病屢
上章乞去位故有是命

宋續會要

罷免

淳熙十六年五月八日詔少保左丞相益國公

周必大特授觀文殿大學依前少保判潭州尋罷職任
以少保益國公充醴泉觀使在外任便居住已而臣僚
言其不公不平不正十事乞賜罷斥詔以必大弼諧初
政求去甚力已授前職判潭州繼而殿中侍御史范處
義又言之遂有是命 紹熙元年十二月六日詔樞密
使王蘭放罷先是蘭丐祠得請未幾御史中丞何澹言
其兇暴出於天資忿戾形於面目覬覦相位不得則忿
怒脅持臺諫不從則謗罵雖處西府必欲奪東府之權
又容縱其弟萊所在暴橫乞賜罷黜故有是命 五年

正月二十一日詔特進右丞相萬俟卨特授觀文殿大學士依前特進判建康府制書休休有容本務彌縫而藏用謙謙自牧乃晞明哲以保身雖疊聞議者之言顧敢替相臣之禮勉留備至懇退彌堅朕審其累奏之莫回念其在公之盡瘁用頒宸旨俾釋宰司書殿降名班特高於儒學帥藩要地任增重於居留體貌斯全眷懷惟厚嘉泰三年正月十日詔少保右丞相兼國公謝深甫特授觀文殿大學士依前少保判建康府改封益國公加食邑一千戶食封四百戶以深甫累章求退詔依所乞也二十四日詔正奉大夫參知政事張巖除資政殿學士知平江府以巖累章求退詔依所乞也二月

飛一作非

二日詔新除端明殿學士通議大夫簽書樞密院事傅
伯壽依舊端明殿學士在京宮觀兼侍讀修國史應合
得恩數並依執政體例仍免奉朝請伯壽以病乞去位
詔依所乞也九月五日詔宣奉大夫參知政事袁說
及除資政殿學士宮觀以臣僚論列章不出說友亦再
上章丐祠依所乞也四年四月十一日詔銀青光祿大
夫知樞密院事兼參知政事許及之放罷以監察御史
商飛卿論列故有是命八月二十八日詔中奉大夫
參知政事張孝伯放罷以臣僚論列故有是命開禧
元年三月二十六日詔通奉大夫參知政事兼知樞密
院事費士寅除資政殿學士知興元軍府事充利州東

路安撫使以臣僚論列章不出士寅亦再上章求去故
有是命 九月十四日詔端明殿學士太中大夫簽書
樞密院事劉德秀除資政殿學士提舉臨安府洞霄宮
德秀以病乞去位詔從所乞也二年三月二十四日詔
中大夫參知政事兼同知樞密院事錢象祖降兩官送
信州居住以臣僚論列故有是命 三年十月六日詔
光祿大夫知樞密院事張巖與宮觀先是除資政殿大
學士知福州巖抗章乞祠故從之十一月三日詔韓侂
胄罪惡貫盈合行誅戮是日誅韓侂胄陳自强罷右丞
相兼樞密使特授醴泉觀使在外任便居住續詔陳自
強謫授武泰軍節度副使永州居住蘇師旦決脊黥髡

瑑一作容

昌化軍未行間令廣東提刑躬親處斬王瑑送臨安府
史達祖等送大理寺根究以皇子榮王奏今日之事有
繫國家安危大計甚可慮者不敢不亟陳於君父之前
臣伏見韓侂胄久任國柄輕信妄為遽起兵端使生靈
無辜殞於鋒鏑之下不可勝計死者冤痛生者愁苦海
內之民無不切齒於侂胄蓋其權勢足以鉗天下士大
夫之口而不敢言臣而不言死有餘罪若不令其退避
省愆必致上危宗社重貽君父之憂欲望聖慈特發睿
斷罷韓侂胄平章軍國事與在外宮觀安邊繼好保邦
息民實在此舉陳自強專意阿附備位無補望併賜罷
黜乞速付三省施行從之給事中雷孝友繳奏韓侂胄

植黨擅權稱兵首亂乞明正典刑陳自强昏繆無恥曲
意逢迎乞遠加貶竄御史中丞銜涇言韓侂冑專權擅
朝十分敗常自知無所容乃擅啓兵端覬立邊功以自
固納吳曦之賂復授以西帥曦竟挾虜以叛親信奴隸
蘇師旦至東旄鉞納賄賂用庸將皇甫斌敗於唐州李
汝翼敗於符離商榮敗於東海郭倬敗於儀真兩淮四
十年生聚遂成丘墟南北數百萬生靈之命皆韓侂冑
一人殺之也陳自强本無寸長侂冑念舊汲引由州縣
小官不數年為次相每對客言自强受恩之深只得順
從自强之罪亦不勝誅伏望將侂冑自强重賜施行小
帖子言蘇師旦雖已竄謫未正典刑內臣王瑫違太皇

遺旨盜內帑以奉侂冑堂吏史達祖耿璽董如璧繼師
且用事共為姦利乞送大理寺根勘依法施行左司諫
王居安奏乞將韓侂冑顯行誅戮以正元惡之罪陳自
強遠竄以為朋姦誤國者之戒小貼子乞盡籍侂冑家
財專為備邊之用故有是命 十七日詔中大夫參知
政事兼同知樞密院事李壁降兩官送撫州居住以臣
僚論列故有是命 嘉定元年六月八日詔中大夫參
知政事衛徑與在外宮觀以御史中丞章良能論列故
有是命 十六日詔端明殿學士朝請大夫簽書樞密
院事林大中特授朝議大夫守端明殿學士簽書樞密
院事致仕大中以病乞去位詔從所乞也 八月十四

日詔資政殿學士通奉大夫新除同知樞密院事邱崇特授正議大夫守同知樞密院事致仕密以病急乞謝事詔從所乞也 十二月一日特進左丞相兼樞密使

兼太子少師錢象祖除觀文殿大學士判福州以象祖累章求退而臺臣亦有論列也 三年十二月二日詔

正議大夫參知政事婁機除職與郡機以病屢乞休致故有是命 六年正月十六日詔端明殿學士正奉大

夫簽書樞密院事宇文紹節特轉兩官除資政殿學士守簽書樞密院事致仕以紹節上遺表故有是命 四

月十二日詔光祿大夫參知政事樓鑰除資政殿學士知太平州以病屢上章乞解機政故有是命 七年正

月十日詔通奉大夫參知政事章良能特轉三官除資
政殿大學士守參知政事致仕以良能上遺表故有是
命 八年二月十八日詔正議大夫知樞密院事兼參
知政事雷孝友除文殿學士知福州充福建路安撫使
以病屢上章乞去位故有是命 十年三月二十三日
詔觀文殿學士知潭州湖南安撫使安丙除崇信軍節
度使開府儀同三司充萬壽觀使以監察御史李安行
列乞畀以真祠故有是命 十二年四月二十六日詔
正奉大夫參知政事曾從龍放罷先是自陳乞辭機政
得旨除職與宮觀既而侍御史李楠論列故有是命
十四年八月三日詔端明殿學士通議大夫簽書樞密

閑故有是命院事二月十日詔賀政殿學士知福州以
病上章丐閑故有是命十二月十日詔正奉大夫知
樞密院事兼參知政事鄭昭先除資政殿大學士知隆
興府以病屢上章乞去位故有是命